

四庫全書

子部

欽定四庫全書

子部  
類經卷十八

詳校官太醫院恩糧臣袁天錫

編修臣倉聖脈覆勘

總校官知縣臣楊懋珩

校對官中書臣高 中

謄錄監生臣王 宮

欽定四庫全書

類經卷十八

明 張介賓 撰

疾病類

口問十二邪之刺

靈樞口問篇  
全 七十九

黃帝閒居辟左右而問於岐伯曰余已聞九鍼之經論  
陰陽逆順六經已畢願得口問岐伯避席再拜曰善乎  
哉問也此先師之所口傳也黃帝曰願聞口傳岐伯荅  
曰夫百病之始生也皆生於風雨寒暑陰陽喜怒飲食

居處大驚卒恐則血氣分離陰陽破散經絡厥絕脉道不通陰陽相逆衛氣稽留經脉虛空血氣不次乃失其

常論不在經者請道其方

此下諸問既非風寒之外感又非情志之內傷論不在經

所當口傳者也故曰口問

○黃帝曰人之欠者何氣使然岐伯荅曰

衛氣晝日行於陽夜半則行於陰陰者主夜夜者臥陽

者主上陰者主下故陰氣積於下陽氣未盡陽引而上

陰引而下陰陽相引故數欠

欠者張口呵吸或伸臂展腰以陰陽相引而然也夫

陽主晝陰主夜陽主升陰主降凡人之寤寐由於衛氣衛氣者晝行於陽則動而為寤夜行於陰則靜而為寐



故人於欲臥未臥之際，必先之者，正以陽氣將入陰分，陰積於下，陽猶未靜，故陽欲引而升，陰欲引而降，上下相引而欠，由生也。今人有神疲陽氣盡，陰氣盛，則目勞倦而為欠者，即陽不勝陰之候。

**瞑陰氣盡而陽氣盛則寤矣**

大惑論曰：衛氣不得入於陰，常留於陽，留於陽則陽

氣滿，陽氣滿則陽躋盛，不得入於陰，則陰氣虛而目不瞑矣。衛氣留於陰，不得行於陽，留於陰，則陰氣盛，陰氣盛則陰躋滿，不得入於陽，則陽氣虛，故目閉也。吳玄綱曰：覺與陽合，寐與陰并，寤多者魂強，寐久者魄壯，魂強者生之徒，魄壯者死之徒，是皆陰陽盛衰之義。○瞑音明，又上聲。

**寫足少陰補足太陽**

衛氣之行於陽者，自足太陽始，行於陰者，自足少陰始。陰盛陽衰，所以為欠，故當寫少陰之照海，陰躋所出也。補太陽之中脉，陽躋所出也。○黃帝曰：人之臧者何氣？取陰陽躋者義如上節之註。

使然岐伯曰穀入於胃胃氣上注於肺今有故寒氣與新穀氣俱還入於胃新故相亂真邪相攻氣并相逆復

出於胃故為噦

噦呃逆也義詳鍼刺類五十三人之水穀入胃其精微之氣必上注於肺而後

行於藏府營衛若中焦先有寒氣則新入之穀氣凝聚而不行氣不行則新故真邪還留於胃留則逆而上出

故為噦也○噦於決切又音誨

補手太陰寫足少陰

手太陰肺經也足少陰腎經也寒氣

自下而升逆則為噦故當補肺於上以壯其氣寫腎於下以引其寒蓋寒從水化噦之標在胃噦之本在腎也

○黃帝曰人之晞者何氣使然岐伯曰此陰氣盛而陽氣虛陰氣疾而陽氣徐陰氣盛而陽氣絕故為晞

晞歛同歛

欬也釋義云悲泣氣咽而抽息也一云泣餘聲一云哀而不泣曰唏悲憂之氣生於陰慘故為陰盛陽虛之候

○唏希

補足太陽寫足少陰

當亦是陽蹇申脉陰蹇照海也義見前

○黃

帝曰人之振寒者何氣使然岐伯曰寒氣客於皮膚陰

氣盛陽氣虛故為振寒寒慄補諸陽

振寒者身怯寒而振慄也補諸陽者

凡手足三陽之原合及陽蹇等穴皆可酌而用之

○黃帝曰人之噫者何氣使

然岐伯曰寒氣客於胃厥逆從下上散復出於胃故為

噫

噫噯氣也釋義曰飽食息也義詳本類前二十五按此節與上文之噦皆以寒氣在胃而然但彼云故寒

氣者以久寒在胃言其深也此云寒客於胃者如客之寄言其淺也故厥逆之氣從下上散則復出於胃而為

噫○噫伊

補足太陰陽明一曰補眉本也

補足太陰陽明二經使脾

胃氣溫則客寒自散而噫可除眉本即足太陽經攢竹穴是亦補陽氣也

○黃帝曰人之噫

者何氣使然岐伯曰陽氣和利滿於心出於鼻故為噫

陽氣和平順利而滿溢於心必上達於肺故出於鼻而為噫然人有感於風寒而為噫者以寒邪束於皮毛則陽氣無從泄越故噴而上出是噫從陽氣而發益又可知仲景曰欲噫不能此人肚中寒正謂其陽虛也故人病陽虛等證者久無噫而忽得之補足太陽榮眉本一則陽氣漸回之佳兆也○噫音帝

曰眉上也

凡陽虛於下則不能上達而為噫補足太陽之榮於眉本者其名攢竹一曰眉上亦即此

穴蓋太陽與腎為表裏所以補陰中之陽也觀宣明五氣篇曰腎為欠為噫其義正與此通詳本類前二十五

○黃帝曰人之譚者何氣使然岐伯曰胃不實則諸脉

虛諸脉虛則筋脉懈惰筋脉懈惰則行陰用力氣不能

復故為譚

譚釋曰下垂貌又曰譚避也故諸家引以為註似皆不合經義殊無意味嘗聞俗語有戰

譚之說即古人之遺言意者譚即戰之屬也但因寒而戰者謂之寒戰其有戰不因寒者由氣虛耳蓋胃為五藏六府之海故胃不實則諸脉虛而懈惰生丹有行陰用力則陽氣益虛故為戰譚今見常有其候而未聞其名愚謂即此尚俟明

因其所在補分肉間

四體戰譚各有分部胃者

肉其應故當因病所在補分肉間以壯其胃氣

○黃帝曰人之哀而泣涕出者

何氣使然岐伯曰心者五藏六府之主也目者宗脉之

所聚也上液之道也口鼻者氣之門戶也故悲哀愁憂

則心動心動則五藏六府皆搖搖則宗脉感宗脉感則

液道開液道開故泣涕出焉

宗總也凡五藏六府之精氣皆上注於目而為之精

故目為宗脉之所聚又為上液之道氣由口鼻出入故為氣之門戶然氣之所至液必隨之如涎出於口涕出於鼻泣出於目是皆上液之屬也人之泣涕上出者皆本乎心蓋心為五藏六府之主若悲哀憂愁動其心則五藏六府皆應而搖藏府搖則宗脉皆應而動動則液道開而泣涕所以出也

液者所以灌精

濡空竅者也故上液之道開則泣泣不止則液竭液竭

則精不灌精不灌則目無所見矣故命曰奪精

精由液而化孔

竅得液而充故以灌精濡孔竅也液去精傷則目昏以至漸無所見者是奪其精也世之因泣而喪目者蓋亦不少矣此條義當與解精微論參看詳下篇○空孔同

補天柱經俠頸

天柱足太陽膀胱經

穴其經俠頸項之後

○黃帝曰人之太息者何氣使然岐伯曰憂

思則心系急心系急則氣道約約則不利故太息以伸

出之

太息者息長而太即嘆息也約猶束縛也憂愁思慮則氣抑不伸而心系急氣道約約則滿悶於中

此嘆息之

補手少陰心主足少陽留之也

手少陰心經也心主手厥

陰經也足少陽膽經也助木火之藏則陽氣可舒抑鬱可解故皆宜留鍼補之

○黃帝曰人之

涎下者何氣使然岐伯曰飲食者皆入於胃胃中有熱

則蟲動蟲動則胃緩胃緩則廉泉開故涎下

足陽明之脉出於口

胃中有熱則蟲動胃緩故廉泉開而涎下凡目之多淚鼻之多涕亦皆因熱而上液之道開也有謂肺熱甚則鼻涕出者補足少陰

腎為胃關而脉繫於舌故當補之以壯水制火則液有所主而涎自

止○黃帝曰人之耳中鳴者何氣使然岐伯曰耳者宗

脉之所聚也故胃中空則宗脉虛虛則下溜脉有所竭

者故耳鳴

手足三陽三陰之脉皆入耳中故耳亦宗脉之所聚也陽明為諸脉之海故胃中空則宗

脉虛宗脉虛則陽氣不升而下溜下溜則上竭輕則為鳴甚則為聾矣然少陽太盛壅窒為鳴者亦有之但虛者漸而實者暴虛者多而實者少其辨在補客主人手

有邪無邪耳學者當推廣之

溜力救切

補客主人手



大指爪甲上與肉交者也

客主人足少陽經穴為手足少陽足陽明之會手大指爪

甲上者手太陰之少商穴為肺氣所出之井故皆當補之以助其陽氣

○黃帝曰人之自

齧舌者何氣使然

缺岐伯曰

此厥逆走上脉氣輩至也少陰

氣至則齧舌少陽氣至則齧頰陽明氣至則齧唇矣

輩者

類也厥逆走上則血湧氣騰至生奇疾所至之處各有其部如少陰之脉行舌本少陽之脉循耳頰陽明之脉環唇口故或為腫脹或為怪癢各因其處隨而視主病齧之不獨止於舌也○輩俗作輦齧尼結切

者則補之

察主病之經以補之也

凡此十二邪者皆奇邪之走空

竅者也

不同常疾故曰奇邪

故邪之所在皆為不足

惟正氣不足然後邪得乘

之故七十五難曰不能治其故上氣不足腦為之不滿  
虛安問其餘則深意可知矣

耳為之苦鳴頭為之苦傾目為之眩

傾者沉重不能支也○眩音玄又去

聲中氣不足漉便為之變腸為之苦鳴

水由氣化故中氣不足則漉便

變常而或為黃赤或為短瀉多有情慾勞倦過傷精氣  
而然昧者聚認為火鮮不誤矣且中氣不足則濁氣居

之故腸胃為之苦  
漉音搜

下氣不足則乃為痿厥心悅痿足痿弱也厥

四支清冷也悅悶也下氣不足則升降不  
交故心氣不舒而為悅悶○悅母本切

補足外踝下

留之

此崑崙穴也為足太陽所行之經凡於上中下氣虛之病皆可留鍼補之○蹠胡寡切

○黃

帝曰治之奈何

此下復問治法者所以補上文之缺畧也

岐伯曰腎主為欠

取足少陰

上文未言屬腎故此復明之

肺主為噦取手太陰足少陰

上文言噦出於胃此言噦主於肺蓋寒氣上逆而為噦氣病於胃而主於肺也噦者陰與陽絕

故補足太陽寫足少陰

陰與陽絕則陽不附陰補陽寫陰則剛柔相濟乖者和矣振

寒者補諸陽噫者補足太陰陽明噦者補足太陽眉本

譚因其所在補分肉間泣出補天柱經俠頸俠頸者頭

中分也太息補手少陰心主足少陽留之涎下補足少

陰耳鳴補客主人手大指爪甲上與肉交者自齧舌視

主病者則補之目眩頭傾補足外踝下留之

諸治俱痿同上文

厥心惋刺足大指間上二寸留之一曰足踝下留之指大

間上二寸足厥陰之太衝也或曰足太陰之太白也此與上文稍異外踝下留之義如前

涕淚

素問解精微論全○八十

黃帝在明堂雷公請曰臣授業傳之行教以經論從容形法陰陽刺灸湯藥所滋行治有賢不肖未必能十全

言授業於人而傳之行教惟藉此經論諸法然猶有不能十全故更問其詳也若先言悲哀喜

怒燥濕寒暑陰陽婦女請問其所以然者卑賤富貴人

之形體所從羣下通使臨事以適道術謹聞命矣

謂先日之

所聞者若此已  
皆適其當也  
請問有鳧愚朴漏之問不在經者欲聞

其狀

鳧妄也漏當作陋問不在經故曰鳧愚朴陋自歎之辭也朴舊作仆按全元起本作朴於義為妄今

改從之

帝曰大矣

謂亦有大要存也

公請問哭泣而淚不出

者若出而少涕其故何也帝曰在經有也

口問篇具載此義故曰在

經有也詳前章

復問不知水所從生涕所從出也

泣與涕所出不同故復問

其帝曰若問此者無益於治也工之所知道之所生也

言此雖無益於醫治而工所當知亦無往非道也

夫心者五藏之專精也

心為五藏

六府之大主精神之所舍也故為五藏之專精

目者其竅也

目即專精之外竅也

華色者

其榮也

華色即專精之外榮也

是以人有德也則氣和於目有亡

憂知於色

人有道德則心和心和則和氣見於目人有亡失則心憂心憂則憂氣知於色也

是

以悲哀則泣下泣下水所由生

目為宗脉所聚而衆水歸之故悲則泣下五癰

津液別篇曰五藏六府之津液盡上滲於目心悲氣并則心系急心系急則肺舉肺舉則液上溢故泣出矣

水宗者積水也積水者至陰也至陰者腎之精也宗精

之水所以不出者是精持之也輔之裏之故水不行也

水宗水之原也五液皆宗於腎故又曰夫水之精為志宗精精能上持水道則不使之妄行矣

火之精為神水火相感神志俱悲是以目之水生也

志藏

於腎腎屬水也神藏於心心屬火也目為上液之道故神志相感則水生於目故諺言曰心悲

名曰志悲志與心精共湊於目也神悲於心則志應於腎故心悲名曰志悲

而水火之精皆上湊也是以俱悲則神氣傳於心精上不傳於志

而志獨悲故泣出也悲則心系急故神氣傳於心傳於心則精不下傳於志精聚於上志

虛於下則志獨生悲而精無所持此所以水不藏於下而泣出於上也泣涕者腦也腦者

陰也泣涕者因泣而涕也涕出於腦腦者精之類為髓之海故屬乎陰髓者骨之充也

髓充滿於骨空諸髓者皆屬於腦故腦滲為涕鼻竅上通於腦也志者骨之主

也是以水流而涕從之者其行類也志與骨皆屬於腎故志為骨之主而

涕亦從乎水也

夫涕之與泣者譬如人之兄弟急則俱死生則

俱生

水液同類故如兄弟

其志以神悲是以涕泣俱出而橫行也

橫行言其多也

夫人涕泣俱出而相從者所屬之類也

相從以類由勢

有弗容已者

雷公曰大矣請問人哭泣而淚不出者若出而

少涕不從之何也帝曰夫泣不出者哭不悲也不泣者

神不慈也神不慈則志不悲陰陽相持泣安能獨來

泣不

出淚不下也哭者以其心悲心悲以其神慈神慈則志悲志悲所以泣出夫神不慈志不悲者正以神為陽志為陰陰陽相持之固則難於感動所以泣涕不能獨至

夫志悲者惋惋則冲陰冲



陰則志去目志去則神不守精精神去目涕泣出也

惋慘

鬱也陰精也陰氣受冲則志去於目故精神不守而涕泣弗能禁也○惋烏貫切

且子獨不誦

不念夫經言乎厥則目無所見夫人厥則陽氣并於上

陰氣并於下陽并於上則火獨光也陰并於下則足寒

足寒則脹也

并偏聚也火獨光陽之亢也厥因氣逆故陰陽各有所并并則陽氣不降陰氣不升

故上為目無所見而下為足寒陰中無陽故又生脹滿之疾

夫一水不勝五火故目

皆盲

一水目之精也五火即五藏之厥陽并於上者也皆當作視

是以氣衝風泣下

而不止夫風之中目也陽氣內守於精是火氣燔目故

見風則泣下也

天之陽氣為風人之陽氣為火風中於目則火氣內燭而水不能守故泣出也

音凡

有以比之夫火疾風生乃能雨此之類也

火疾風生陽之

極也陽極則陰生承之乃能致雨人同天地之氣故風熱在目而泣出義亦無兩

神亂則惑○善忘○饑不嗜食

靈樞大惑論  
八十一

黃帝問於岐伯曰余嘗上於清冷之臺中階而頤匍匐而前則惑余私異之竊內怪之獨瞑獨視安心定氣久而不解獨博獨眩被髮長跪俯而視之後久之不已也卒然自上何氣使然

臺之高者其氣寒故曰清冷之臺凡人登高博望目見非常之處無

不神魂驚蕩而心生眩惑故特借此以問其由  
然也○匍音蒲匍伏藟二音眩音玄又去聲岐伯對

曰五藏六府之精氣皆上注於目而為之精為之精為精明之用

也義如脉精之窠為眼窠者窩穴之謂眼者目之總稱五藏六府之精氣皆上注於目

故眼為精之窠而五骨之精為瞳子瞳子眸子也骨之精主於腎腎屬水

其色玄故瞳子內明而色筋之精為黑眼黑眼黑珠也筋之精主於

正黑○瞳音同眸音謀肝肝色青故其血之精為絡絡脉絡也血脉之精主於

色淺於瞳子心心色赤故皆絡之色皆赤其窠氣之精為白眼窠氣者言目窠之氣也氣之精主於肺肺屬金故為白眼肌

肉之精為約束裏攔筋骨血氣之精而與脉并為系上

屬於腦後出於項中

約束眼胞也能開能闔為肌肉之精主於脾也脾屬土所以藏物故

裹擷筋骨血氣四藏之精而并為目系以上出於腦項之間○擷又結切以衣衽收物謂之擷故邪中

於項因逢其身之虛其入深則隨眼系以入於腦入於

腦則腦轉腦轉則引目系急目系急則目眩以轉矣邪

其睛其睛所中不相比也則精散精散則視岐視岐見

兩物

前邪字邪氣也後邪字與斜同邪氣中於風府天柱之間乘其虛則入腦連目目系急則目眩睛斜

故左右之脉互有緩急視岐失正則兩睛之所中於物者不相比類而各異其見是以視一為兩也此承帝問而先發邪氣之中人者如此以明下目者五藏六府之文之目見非常者亦猶外邪之屬耳

目者五藏六府之

精也營衛魂魄之所常營神氣之所生也

藏府營衛魂魄所至者皆

神氣也故目為神氣之所生

故神勞則魂魄散志意亂是故瞳子黑

眼法於陰白眼赤脉法於陽也故陰陽合傳而精明也

陰陽即精神之本故陰陽合傳而成精明之用

目者心使也心者神之舍也故

神精亂而不轉卒然見非常處精神魂魄散不相得故

曰惑也

精神雖統於心而外用則在目故目為心之使心為神之舍所以目見非常於外則神魂眩惑

於心也

黃帝曰余疑其然余每之東苑未曾不惑去之則

復余唯獨為東苑勞神乎何其異也

每之東苑未曾不惑謂雖不登高其

惑亦然故疑異也

岐伯曰不然也心有所喜神有所惡卒然相

感則精氣亂視誤故惑神移乃復

偶為遊樂心所喜也忽逢奇異神則惡之

夫神有所惡則志有不隨喜惡相感於卒然故精氣為亂去之則神移神移則復矣

是故間者為

迷甚者為惑

間者言其未甚也亦足相迷況其甚者能無惑乎

○黃帝曰人之

善忘者何氣使然岐伯曰上氣不足下氣有餘腸胃實

而心肺虛虛則營衛留於下久之不以時上故善忘也

下氣有餘對上氣不足而言非謂下之真實也心肺虛於上營衛留於下則神氣不能相周故為善忘陽衰於

上之兆也

○黃帝曰人之善饑而不嗜食者何氣使然岐伯

曰精氣并於脾熱氣留於胃胃熱則消穀穀消故善饑

胃氣逆上則胃脘寒故不嗜食也

胃氣逆上而不能運行即其寒也脾胃熱

而胃脘寒所以雖饑而不欲食○本論諸邪有總治之法曰先其藏府誅其小過後調其氣盛者寫之虛者補之必先明知其形志之苦樂定乃取之一節詳後八十三蓋彼此同出一論今類從於彼所當參用○嗜音示

不得臥

八十  
二

帝曰人有逆氣不得臥而息有音者有不得臥而息無音者有起居如故而息有音者有得臥行而喘者有不得臥不能行而喘者有不得臥臥而喘者皆何藏使然

願聞其故

素問通  
調論

○岐伯曰不得臥而息有音者是陽

明之逆也足三陽者下行今逆而上行故息有音也

足

三陽其氣皆下行足之三陰其氣皆上行亦天氣下降地氣上升之義故陽明上行者為逆逆則氣連於肺而息有聲此胃陽明者胃脉也胃者六府之海其氣亦下

行陽明逆不得從其道故不得臥也

陽明為水穀之海氣逆不降則奔迫

而上所以不得臥

下經曰胃不和則臥不安此之謂也

下經古  
經也不

安反覆不寧之謂今人有過於飽食或病脹滿者臥必不安此皆胃氣不和之故

○按上文所問不得臥而息

無音者義亦同此故不復答

○夫起居如故而息有音者此肺之絡



脉逆也絡脉不得隨經上下故留經而不行絡脉之病

人也微故起居如故而息有音也

病不在胃亦不在藏故起居如故氣逆於

肺之絡脉者病淺而微故但為息有音耳○上文所問有得臥行而喘者義亦類此故不復答

○夫不

得臥臥則喘者是水氣之客也夫水者循津液而流也

腎者水藏主津液主臥與喘也帝曰善

水病者其本在腎其末在肺故

為不得臥臥則喘者標本俱病也義詳鍼刺類三十八

○上文所問有不得臥不能行而喘者義類此節故不

復答○愚按本篇所論喘息不得臥者有肺胃腎三藏

之異在肺絡者起居如故而息有音也病之微者也在

胃者不得臥而息有音也甚於肺者也在腎者不得臥

臥則喘也又其甚者也夫息有音者即喘之漸喘出於

腎則病在根本矣故愈深者必愈甚凡虛勞之喘義亦猶此有不可不察也

○帝曰人有臥

而有所不安者何也

素問病能論

岐伯曰藏有所傷

凡五藏受傷皆

能使臥不安如七情勞倦飲食風寒之類皆是也

及精有所之寄則安故人

能懸其病也

之寄氣復得所之謂五藏主藏精者也藏有所傷則精有所失精有所失則神有不

安故必使精復神安則臥亦安矣否則病之既及又能何所懸置而可使無患哉

帝曰人之不

得偃臥者何也

偃衣典切仰臥也

岐伯曰肺者藏之蓋也

五藏之應

天者肺也故為五藏六府之蓋

肺氣盛則脉大脉大則不得偃臥

盛言邪氣

實也故令脉大邪盛於肺者偃臥則氣促而急故不能也論在奇恒陰陽中

皆古經篇名

不臥多臥

八十  
三

黃帝問於伯高曰夫邪氣之客人也或令人目不瞑不

臥出者何氣使然

靈樞邪客篇○邪氣感人令人寐無從生故云不臥出也○瞑音明又上

聲

伯高曰五穀入於胃也其糟粕津液宗氣分為三隧

故宗氣積於胸中出於喉嚨以貫心脉而行呼吸焉

宗氣

大氣也隧道也糟粕之道出於下焦津液之道出於中焦宗氣之道出於上焦故分為三隧喉嚨為肺之系而

下貫於心故通宗氣而行呼吸○粕音朴隧音遂

營氣者泌其津液注之於脉

化以為血以榮四末內注五藏六府以應刻數焉

榮氣出於

中焦中焦者受水穀之氣泌其津液變化以為血脈外而四支內而藏府無所不至故其運行之數與刻數皆相應也義詳經絡類二十四  
衛氣者出其悍氣之慄疾  
二十六○泌音秘泉水貌

而先行於四末分肉皮膚之間而不休者也晝日行於

陽夜行於陰常從足少陰之分間行於五藏六府  
衛氣者水

穀之悍氣也其氣慄疾滑利不能入於脉中故先行於四末分肉皮膚之間而不休者也義詳本類前六十七  
及經絡類第六晝行於陽常從足太陽始夜  
行於陰常從足少陰始義詳經絡類二十五  
今厥氣客

於五藏六府則衛氣獨衛其外行於陽不得入於陰行

於陽則陽氣盛陽氣盛則陽蹻陷不得入於陰陰虛故

目不瞑

邪氣逆於藏府則衛氣不得入於陰分故偏盛於陽陽偏盛則陽蹻陷陷者受傷之謂陽盛陰

虛故目不瞑又大惑論義正與此同詳見下文○蹻有五音蹻皎喬脚又極虐切

黃帝曰善治

之奈何伯高曰補其不足寫其有餘

此刺治之補寫也補其不足即陰蹻

所出足少陰之照海也寫其有餘即陽蹻所出足太陽之申脉也若陰盛陽虛而多臥者自當補陽寫陰矣

調其虛實以通其道而去其邪飲以半夏湯一劑陰陽

已通其臥立至

謂既刺之後仍當用藥以治之凡不臥之證有邪實者多屬外因有營虛者多

屬內因此半夏湯一法蓋專為去邪者設耳

黃帝曰善此所謂決瀆壅塞經

絡大通陰陽和得者也願聞其方伯高曰其湯方以流

水千里以外者八升揚之萬遍取其清五升煮之炊以

葦薪

古今量數不同大約古之黍量一斗合今之鐵斛數三升二合然則云八升者即今之二升五合六

勺云五升者即今之一升六合許耳

火沸置秫米一升治半夏五合徐炊

令竭為一升半

火沸者先以火沸其水而後置藥於中也秫米糯小米也即黍米之類而粒小

于黍可以作酒北人呼為小黃米其性味甘粘微涼能養營補陰半夏味辛性溫能和胃散邪除腹脹目不得瞑故並用之秫米一升約今之三合二勺半夏五合約今之一合六勺炊至一升半約今之四合八勺也○秫

音

去其滓飲汁一小杯日三稍益以知為度故其病新

發者覆杯則臥汗出則已矣久者三飲而已也

滓音子粗也

○黃帝曰病而不得臥者何氣使然

靈樞大惑論此言因病而不得臥

者

岐伯曰衛氣不得入於陰常留於陽留於陽則陽氣

滿陽氣滿則陽蹻盛不得入於陰則陰氣虛故目不瞑

矣

衛氣晝行於陽夜行於陰行陽則寤行陰則寐此其常也若病而失常則或留于陰或留于陽留則陰陽

有所偏勝有偏勝則有偏虛而寤寐亦失常矣

○黃帝曰病目而不得視者何

氣使然岐伯曰衛氣留於陰不得行於陽留於陰則陰

氣盛陰氣盛則陰蹻滿不得入於陽則陽氣虛故目閉

也

此言因病而目有不能開視及病而多寐者以衛氣留於陰分陰蹻滿而陽氣虛耳觀寒熱病篇曰陰蹻

陽蹻陰陽相交陽入陰陰出陽交於目內眥陽氣盛則  
瞋目陰氣盛則瞑目即此上文兩節之義詳針刺類四

十四○黃帝曰人之多臥者何氣使然岐伯曰此人腸胃

大而皮膚濕而分肉不解焉腸胃大則衛氣留久皮膚

濕則分肉不解其行遲夫衛氣者晝日常行於陽夜行

於陰故陽氣盡則臥陰氣盡則寤故腸胃大則衛氣行

留久皮膚濕分肉不解則行遲留於陰也久其氣不精

則欲瞑故多臥矣

此下二節言有不因於病而為多臥  
少臥之異者也解利也人之藏府在

內內者陰也皮膚分肉在外外者陽也腸胃大則陰道  
迂遠肉理濕滯不利則陽道舒遲故衛氣之留於陰分



者久行於陽分者少陽氣不精所以多瞑臥也今人有飽食之後即欲瞑者正以水穀之悍氣暴實於中則衛氣盛於陰分而精陽之氣有不能勝之耳其腸胃小皮世俗但呼為脾倦而不知其有由然也

膚滑以緩分肉解利衛氣之留於陽也久故少瞑焉

胃腸

小則衛氣之留於陰者少皮膚滑以緩分肉解利則衛氣之留於陽者久故少瞑也

○黃帝曰其

非常經也卒然多臥者何氣使然

非常經者言其變也蓋以明邪氣之所致

然者岐伯曰邪氣留於上腠上腠閉而不通已食若飲湯

衛氣久留於陰而不行故卒然多臥焉

邪氣居于上焦而加之食飲則

衛氣留閉於中不能外達陽分故猝然多臥然有因病而不能瞑者蓋以邪客於藏則格拒衛氣不得內歸陰

分耳○  
照焦同

黃帝曰善治此諸邪奈何岐伯曰先其藏府誅其小過後調其氣盛者寫之虛者補之必先知其形

志之苦樂定乃取之

治此諸邪者統言本論八證也此篇止類其五外神亂則惑等三證

詳前八十一先其藏府者欲辨陰陽之淺深也誅其小過者言此諸證雖非重大之疾亦不可不除之也然人之致此各有所由故於形志苦樂尤所當察蓋苦者憂勞多傷心肺之陽樂者縱肆多傷脾腎之陰必有定見然後可以治之

陰陽之逆厥而為夢

素問方盛衰論○八十四

雷公請問氣之多少何者為逆何者為從黃帝荅曰陽

從左陰從右

多少言盛衰也陽氣主升故從乎左陰氣主降故從乎右從者為順反者為逆

老

從上少從下

老人之氣先衰于下故從上者為順少壯之氣先盛于下故從下者為順蓋天之生

氣必自下而升而人氣亦然也故凡以老人而衰於上者其終可知少壯而衰於下者其始可知皆逆候也

是以春夏歸陽為生歸秋冬為死

證或脈皆當歸陽為

生若得陰候如秋冬者為逆為死

反之則歸秋冬為生

反之謂秋冬也秋冬以陰盛陽

衰之時故歸陰為順曰生然不曰歸春夏為死者可見陰中有陽未必至害而陽為陰賊乃不免矣

是以

氣多少逆皆為厥

氣有多少則陰陽不和則逆故為厥也

問曰有餘者

厥耶

有其少必有其多故以陽厥多陽陰厥多陰皆疑其為有餘也

答曰一上不下寒

厥到膝少者秋冬死者秋冬生

陽逆于上而不下則寒厥到膝老人陽氣

從上膝寒猶可少年陽氣從下膝寒為逆少年之陽不當衰而衰者故最畏陰勝之時老人陽氣本衰是其常也故於秋

氣上不下頭痛巔疾

巔頂巔也上實求陽不冬無慮焉

得求陰不審五部隔無徵若居曠野若伏空室繇繇乎

屬不滿日

厥之在人也謂其為陽則本非陽盛謂其為陰則又非陰盛故皆不可得益以五藏隔絕

無徵可驗若居曠野無所聞若伏空室無所見迺病則繇繇不解勢甚凋敝若弗能終其日者豈真陰陽之有

繇者耶

繇古綿字是以少陰之厥令人妄夢其極至迷

手少陰心也心

主陽其藏神足少陰腎也腎主陰其藏精是以少陰厥逆則心腎不交而精神散越故為妄夢若其至極乃令

人迷亂昏昧也

三陽絕三陰微是為少氣

三陽隔絕則陰虧於上三陰微弱則陽虧

於下陰陽不相生化故少氣不足以息

是以肺氣虛則使人夢見白物見

人斬血籍籍

此下言五藏陰虛之夢兆也肺虛者夢白物金色白也斬者金之用也虛者必怯故

見人斬血籍籍多驚惕也

得其時則夢見兵戰

得金王之時也

腎氣虛則使

人夢見舟船溺人

腎合水故夢應之

得其時則夢伏水中若有

畏恐

得水王之時也

肝氣虛則夢見菌香生草

肝合木也○菌區允切

得

其時則夢伏樹下不敢起

雖得木王之時而肝氣本虛故夢伏而不敢起

心氣

虛則夢救火陽物

心合火也陽物即屬火之類

得其時則夢燔灼

得火

王之時也  
○燔音凡  
脾氣虛則夢飲食不足  
倉廩空虛故  
得其時

則夢築垣蓋屋

得土王之時也

此皆五藏氣虛陽氣有餘陰氣

不足

五藏氣虛即陰不足也陰氣不足則虛陽獨浮故云陽氣有餘無根之陽其虛可知所以為厥為夢

者皆陽不附陰之所致

合之五診調之陰陽以在經脉

合之五診則五藏可

察調之陰陽則六經可和以在經脉謂義如靈樞之經脉篇也

夢寐

八十

黃帝曰願聞淫邪泮衍奈何

靈樞淫邪發夢篇全○淫邪泮衍言奇邪為夢變幻

也無窮

岐伯曰正邪從外襲內而未有定舍反淫于藏不

得定處與榮衛俱行而與魂魄飛揚使人臥不得安而

喜夢

正邪者非正風之謂凡陰陽勞逸之感於外聲色嗜欲之動於內但有干於身心者皆謂之正邪亦

無非從外襲內者也惟其變態恍惚未有定舍故內淫於藏則於營衛魂魄無所不亂因令人隨所感而為夢

氣淫於府則有餘於外不足於內

氣盛於陽也

氣淫於藏則

有餘於內不足於外

氣盛於陰也

黃帝曰有餘不足有形乎

岐伯曰陰氣盛則夢涉大水而恐懼

以陰勝陽故夢多陰象

陽氣

盛則夢大火而燔灼

以陽勝陰故夢多陽象○灼如瑞切

陰陽俱盛則夢

相殺

俱盛則爭故夢相殺

上盛則夢飛

陽盛者親乎上也

下甚則夢墮

陰勝

者親乎下也

盛饑則夢取

因不

甚飽則夢予

因有

夢怒

肝在志為怒也

肺氣盛則夢恐懼哭泣飛揚

肺在志為憂故夢恐懼哭

泣肺主氣故夢飛揚

心氣盛則夢喜笑恐畏

心在志為喜在變動為憂也

脾氣

盛則夢歌樂身體重不舉

脾喜音樂在聲為歌其主肌肉也

腎氣盛則

夢腰脊兩解不屬

腰為腎之府故若腰脊不相連屬

凡此十二盛者至

而寫之立已

陽盛則有餘於府陰盛則有餘於藏但察其邪之所在而以鍼寫之則已

○厥

氣客于心則夢見丘山煙火

心屬火也

客于肺則夢飛揚見

金鐵之奇物

肺屬金也

客于肝則夢山林樹木

肝屬木也

客于脾



則夢見邱陵大澤壞屋風雨

脾屬土其主濕也

客于腎則夢臨

淵沒居水中

腎屬水也

客于膀胱則夢遊行

膀胱為足之太陽經屬三陽之

表也客于胃則夢飲食

胃為水穀之海也

客于大腸則夢田野

大腸

為傳導之官其曲折納汙類田野也

客于小腸則夢聚邑衝衢

小腸為受盛之官物

之所聚類邑衢也

客于膽則夢鬪訟自剗

膽主決斷其氣剛也○剗音枯剖腹也

客于陰器則夢接內

慾念之所注也

客于項則夢斬首

恐怖之所及也

客于脛則夢行走而不能前及居深地窅苑中

厥逆之邪在下

也○窅同

客于股肱則夢禮節拜起

勞倦之所致也

客於胞臆則

夢洩便

胞洩腠也。臆大腸也。在前則夢洩。在後則夢便。○胞音拋。臆音直。

凡此十五不

足者至而補之立已也

當各隨其經以針補之。

○短蟲多則夢聚眾

素問脉要精微論。繁盛之象也。

長蟲多則夢相

擊毀傷

長蟲勢力相角。內有損傷。故夢兆亦然。○凡本論之文與前篇同者俱不重載。故止存此二條。

○按周禮六夢一曰正夢。謂無所感而自夢也。二曰噩夢。有所驚愕而夢也。三曰思夢。因于思憶而夢也。四曰噩夢。因覺時所為而夢也。五曰喜夢。因所喜好而夢也。六曰懼夢。因于恐懼而夢也。關尹子曰。好仁者多夢松栢桃李。好義者多夢金刀兵鐵。好禮者多夢簋簠籩豆。好智者多夢江湖川澤。好信者多夢山岳原野。役于五行未有不然者。是皆致夢之因也。至其變幻之多。則有如宋昭公之夢為鳥。莊周之夢為蝶。光武之夢乘赤龍。

而登天陶侃之夢生八翼飛入天門之類又皆何所因也夫五行之化本自無窮而夢造于心其原則一蓋心為君主之官神之舍也神動于心則五藏之神皆應之故心之所至即神也神之所至即心也第心帥乎神而夢者因情有所着心之障也神帥乎心而夢者能先兆于無形神之靈也夫人心之靈無所不至故夢象之奇亦無所不見誠有不可以言語形容者惟聖人能御物以心攝心以性則心同造化五行安得而役之故至人無夢也

### 癰疽

靈樞癰疽篇  
全〇八十六

黃帝曰余聞腸胃受穀上焦出氣以溫分肉而養骨節

通腠理

上焦出氣宗氣也宗氣出於喉嚨而行呼吸其以溫分肉養骨節通腠理者是衛氣化於宗氣

也中焦出氣如露上注谿谷而滲孫脉津液和調變化而赤為血血和則孫脉先滿溢乃注於絡脉皆盈乃注於經脉陰陽已張因息乃行

中焦出氣如露營氣也其於陰陽已張因息乃行是

榮氣化於宗氣也

行有經紀周有道理與天合同不得休止

有行

經紀周有道理義詳運氣類第一人有營衛與天合度義詳經絡類二十四五

切而調之從虛

去實寫則不足

從虛之之法以去實是寫則不足也

疾則氣減留則先後

凡寫者宜疾補者宜留是補之與寫有疾留先後之異也

從虛去虛補則有餘

從治虛之

法以去虛是補則有餘也

血氣已調形氣乃持余已知血氣之平與

不平未知癰疽之所從生成敗之時死生之期有遠近

何以度之可得聞乎

持定也  
度入聲

岐伯曰經脉流行不止與

天同度與地合紀故天宿失度日月薄蝕地經失紀水

道流溢草莖不成五穀不殖徑路不通民不往來巷聚

邑居則別離異處血氣猶然請言其故夫血脉營衛周

流不休上應星宿下應經數寒邪客於經絡之中則血

泣血泣則不通不通則衛氣歸之不得復反故癰腫

衛氣

歸之不得復反言其留聚不散也○蝕音食莖音宜莖莖草鹿葱也殖音植泣瀦同寒氣化為熱

熱勝則腐肉肉腐則為膿膿不寫則爛筋筋爛則傷骨

骨傷則髓消不當骨空不得泄寫血枯空虛則筋骨肌

肉不相榮經脉敗漏薰於五藏藏傷故死矣

癰毒由淺至深傷藏

則死如下文所云及下篇癰疽五逆等候皆藏氣受傷之證

○黃帝曰願盡聞癰疽

之形與忌曰名岐伯曰癰發於嗑中名曰猛疽猛疽不

治化為膿膿不寫塞咽半日死其化為膿者寫則合豕

膏冷食三日已

猛疽言為害之急也若膿已寫當服豕膏可以愈之即猪脂之煉淨者也觀萬

氏方有治肺熱暴瘡者用猪脂一斤煉過入白蜜一斤再煉少頃濾淨冷定不時挑服一匙即愈若無疾服此

最能潤肺潤腸  
即是豕膏之屬

○發於頸名曰天疽其癰大以赤黑不

急治則熱氣下入淵腋前傷任脉內薰肝肺薰肝肺十

餘日而死矣

頸前頸也色赤黑者其毒必甚淵腋足少陽經穴其發在頸則連於肺系下入足少

陽則及乎肝藏矣故至於死

○陽氣大發消腦留項名曰腦爍其色

不樂項痛而如刺以鍼煩心者死不可治

陽氣大發邪熱之甚也色

有不樂傷乎神也痛如刺以鍼毒之銳也煩心者邪犯其藏也故不可治

○爍式灼切  
○發於肩

及臑名曰疵癰其狀赤黑急治之此令人汗出至足不

害五藏癰發四五日逞燭之

肩臑下軟白肉處曰臑此非要害之所故不及五藏

暹疾也。燭艾炷也。謂宜速灸以除之也。○臍儒慳二音又奴刀奴到二切。疵資子二音。熯如瑞切。

○發

於腋下赤堅者名曰米疽。治之以砭石。欲細而長。疎砭

之塗以豕膏六日已。勿裏之。

砭石欲細者恐傷肉也。欲長者用在深也。故宜疎不

宜密○砭標兼切

○其癰堅而不潰者為馬刀挾纓。急治之。

此即

療癰也。挾纓經脉篇作俠癰。詳本類前十。足少陽降下欲急治者恐遲則傷人也。

○發於胃名

曰井疽。其狀如大豆。三四日起。不蚤治下入腹不治。七

日死矣。

發於胃者能薰心肺若不蚤治而使之入腹毒尤甚矣。故死期之速如此。

○發於膺

名曰甘疽。色青其狀如穀實。蓏蓏常苦寒熱急治之。去



其寒熱十歲反反後出膿

膚者胃旁之高肉處也穀實兼五穀而言謂癰所結聚形

如穀實之累累也莰莰瓜蒞也軟而不潰中有所蓄如子也此證延綿難愈蓋即乳癰之屬○莰莰古枯樓字

○發於脇名曰敗疵敗疵者女子之病也灸之其病大

癰膿治之其中乃有生肉大如赤小豆剉蒺藜草根各

一升以水一斗六升煮之竭為取三升則強飲厚衣坐

於釜上令汗出至足已

蒺藜也蒺連翹也二草之根俱能解毒故各用一升大約古之

一升得今之三合有零以水一斗六升煮取三升俱折數類此○蒺音陵蒺同

○發於股脛

名曰股脛疽其狀不甚變而癰膿搏骨不急治三十日

死矣

股脛大股也狀不甚變言外形不顯也癰膿搏骨言膿著於骨即今人之所謂貼骨癰也毒盛而深

能下蝕三陰陽明之大經故不為急治則死矣

○發於尻名曰銳疽其狀赤堅

大急治之不治三十日死矣

尻尾骶骨也穴名長強為督脉之絡一名氣之陰都

故不治則死

○發於股陰名曰赤施不急治六十日死

在兩股之內不治十日而當死

股陰大股內側也當足太陰箕門血海及足厥

陰五里陰包之間皆陰氣所聚之處故不治則死若兩股俱病則傷陰之極其死尤速

○發於膝

名曰疵癰其狀大癰色不變寒熱如堅石勿石石之者

死湏其柔乃石之者生

膝癰未成而石之者傷其筋之府故致於死若柔則膿成矣

之無害也○  
疵慈子二音

○諸癰疽之發於節而相應者不可治也

發於陽者百日死發於陰者三十日死

諸節者神氣之所遊行出入也

皆不宜有癰毒之患若其相應則發於上而應於下發於左而應於右其害尤甚為不可治然發於三陽之分者毒淺在府其死稍緩發於三陰之分者毒深在藏不能出一月也

○發於脛名曰兔齧

其狀赤至骨急治之不治害人也

脛足脛也兔齧如有所齧傷也○脛行景

行敬二切

○發於內踝名曰走緩其狀癰也色不變數

石其輸而止其寒熱不死

數石其輸砭其所腫之處也○踝胡寡切

○發於

足上下名曰四淫其狀大癰急治之百日死

陽受氣於四末而大

癰淫於其間陽毒之盛極也時氣移易則真陰日敗故逾三月而死

○發於足傍名曰厲

癰其狀不大初如小指發急治之去其黑者不消輒益

不治百日死

不消輒益謂初如小指而不治則日以益大也

發於足指名脫癰

其狀赤黑死不治不赤黑不死不衰急斬之不則死矣

六經原腧皆在於足所以癰發於足者多為凶候至於足指又皆六井所出而癰色赤黑其毒尤甚若無衰退之狀則急當斬去其指庶得保生否則毒氣連藏必至死矣

○黃帝曰夫子言癰疽

何以別之岐伯曰榮衛稽留於經脉之中則血泣而不

行不行則衛氣從之而不通壅遏而不得行故熱大熱

不止熱勝則肉腐腐則為膿然不能陷骨髓不為焦枯

五藏不為傷故命曰癰

此下辨癰疽之輕重也癰毒浮淺在表不能陷骨則髓不為枯

五藏不為傷故病癰者可無慮也

黃帝曰何謂疽岐伯曰熱氣淳盛下

陷肌膚筋髓枯內連五藏血氣竭當其癰下筋骨良肉

皆無餘故命曰疽

癰淺疽深毒有微甚故內連五藏外敗筋骨良肉者是謂之疽乃可畏也

疽者上之皮夭以堅上如牛領之皮癰者其皮上薄以

澤此其候也

夭以色言黑黯不澤也此即皮色之狀可以辨其淺深矣

風寒癰腫

素問脉要精微論○八十七

帝曰諸癰腫筋攣骨痛此皆安生

此言諸病癰腫而有兼筋攣骨痛者也諸

家以癰腫筋攣骨痛釋為三證殊失經意觀下文曰此寒氣之腫則其所問在腫義可知矣

岐伯曰

此寒氣之腫八風之變也

惟風寒之變在經所以兼筋骨之痛今有病大項風蝦蟇

瘟之屬或為頭項咽喉之癰或為肢節肌肉之腫正此類也八風義詳運氣類三十五

帝曰治之

奈何岐伯曰此四時之病以其勝治之愈也

四時之病即時氣也

治之以勝如至真要大論曰治諸勝復寒者熱之熱者寒之溫者清之清者溫之散者收之抑者散之燥者潤之急者緩之聖者與之脆者堅之衰者補之強者寫之各安其氣必清必靜則病氣衰去此之謂也

胃脘癰頸癰

素問病能論  
八十八

黃帝問曰人病胃脘癰者診當何如岐伯對曰診此者

當候胃脉其脉當沈細沈細者氣逆

胃脉見於右關所謂中附上右外以

候胃也胃為多氣多血之府脉當洪大

而反見沉細故為胃氣之逆○脘音管逆者人迎甚盛

甚盛則熱

胃氣逆而人迎盛逆在藏而熱在經也即人終始等篇所云人迎三盛病在陽明之謂人

迎者胃脉也

人迎在結喉旁足陽明動脉也

逆而盛則熱聚於胃口而

不行故胃脘為癰也

陽明氣逆而盛則熱邪聚於胃脘故留結為癰

○帝曰有

病頸癰者或石治之或鍼灸治之而皆已其真安在

其真

安在言孰為正治之法也

岐伯曰此同名異等者也

頸癰之名雖同而證則有異故

治亦各有所宜

夫癰氣之息者宜以鍼開除去之

息止也癰有氣結而留止

不散者治宜用鍼以開除其氣氣行則癰愈矣

夫氣盛血聚者宜石而寫之此

所謂同病異治也

欲寫其血宜用砭石血泄則氣衰而癰亦愈此病同而治異也

癰疽五逆

靈樞玉版篇  
○八十九

黃帝曰病之生時有喜怒不測飲食不節陰氣不足陽

氣有餘營氣不行乃發為癰疽陰陽不通兩熱相搏乃

化為膿小鍼能取之乎

喜怒不測則氣有所逆飲食不節則藏有所傷陰氣不足故營

有不行陽氣有餘故熱從而聚皆足以致癰疽也

岐伯曰聖人不能使化者為



之邪不可留也故兩軍相當旗幟相望白刃陳於中野者此非一日之謀也能使其民令行禁止士卒無白刃之難者非一日之教也須臾之得也夫至使身被癰疽之病膿血之聚者不亦離道遠乎夫癰疽之生膿血之成也不從天下不從地出積微之所生也故聖人自治於未有形也愚者遭其已成也

邪在天下則為亂邪在人身則為病及其已成

則雖聖人不能使之化是以邪不可留也譬之用兵者必有風教必有定謀而後可保其無危人之治身可素無調養之道乎故惟聖人乃能自治於未形愚者每遭其患矣

黃帝曰其已形不予遭

膿已成不予見為之奈何岐伯曰膿已成十死一生故

聖人弗使已成而明為良方著之竹帛使能者踵而傳

之後世無有終時者為其不予遭也

此言兆庶之多千古之邈安得人人

遭遇以救其疾苦故惟有著之竹帛

黃帝曰其已有膿

血而後遭乎不道之以小鍼治乎岐伯曰以小治小者

其功小以大治大者多害故其已成膿血者其唯砭石

鈹鋒之所取也

鍼小者功小無濟於事鍼大者多害恐有所傷故惟砭石及鈹鍼鋒鍼皆可以

取癰疽之膿血鍼義詳鍼刺類二○砭標兼切鈹音披

黃帝曰多害者其不可全

乎岐伯曰其在逆順焉黃帝曰願聞逆順岐伯曰以為傷者其白眼青黑眼小是一逆也內藥而嘔者是二逆也腹痛渴甚是三逆也肩項中不便是四逆也音嘶色脫是五逆也除此五者為順矣

又寒熱病篇曰五藏身有五部伏兔一膝二背

三五藏之腧四項五此五部有癰疽者死是亦五逆之屬也詳鍼刺類五十四○內納同嘶音西聲破損也

瘰癧

靈樞寒熱篇全○九十

黃帝問於岐伯曰寒熱瘰癧在於頸腋者皆何氣使生岐伯曰此皆鼠瘻寒熱之毒氣也留於脉而不去者也

瘰癧者其狀累累然而歷貫上下也故於頸腋之間皆能有之因其形如鼠穴塞其一復穿其一故又名為鼠瘻蓋以寒熱之毒留於經脉所以聯絡不止一曰結核連續者為瘰癧形長如蜺蛤者為馬刀又曰脇肋下者為馬刀○瘰癧壘二音瘰音歷瘻音漏黃帝曰去之奈何岐伯曰鼠瘻之本

皆在於藏其末上出於頸腋之間其浮於脉中而未內著於肌肉而外為膿血者易去也

瘰癧必起於少陽而後延及陽明二經表

裏相傳乃至厥陰太陰俱能為病大抵因鬱氣之積食味之厚或風熱之毒結聚而成故其所致之本皆出於藏而標則見乎頸腋之間也若其毒之未甚則但浮見脉中尚未著於肌肉以化膿血者去之猶易若其膿血既成則為黃帝曰去之奈何岐伯曰請從其本引其末力較難也

可使衰去而絕其寒熱

謂去其致之之本則外見之末自可引而衰也

審按其

道以予之徐往徐來以去之

予與之鍼也審按其道審脈氣所由之道也徐往徐

來即補寫之法所謂徐而疾則實疾而徐則虛也

其小如麥者一刺知三刺而

已

小如麥者其初起也故一刺即知其効三刺其病可已所以治在宜蚤不可因小而忽之

黃帝曰

決其生死奈何岐伯曰反其目視之其中有赤脉上下

貫瞳子見一脉一歲死見一脉半一歲半死見二脉二

歲死見二脉半二歲半死見三脉三歲而死見赤脉不

下貫瞳子可治也

目者宗脉之所聚也瞳子者骨之精也赤脉下貫瞳子以邪毒之焰深賊

陰分而然死之徵也然脉見二三其氣散而緩脉聚為一者其毒銳而專此又死期遲速之有異也又論疾診尺篇言診寒熱者亦同此法詳脉色類三十二

失守失強者死

素問脉要精微論○九十一

五藏者中之守也

五藏者各有所藏藏而勿失則精神完固故為中之守也

中盛藏

滿氣勝傷恐者聲如從室中言是中氣之濕也

中胃腹也藏藏

府也盛滿脹急也氣勝喘息也傷恐者腎受傷也聲如從室中言混濁不清也是皆水氣上逆之候故為中氣

之濕證此脾肺腎三藏之失守也

言而微終日乃復言者此奪氣也

氣虛

之甚故聲不接續肺藏失守也

衣被不斂言語善惡不避親疎者此神

明之亂也

神明將脫故昏亂若此心藏之失守也

倉廩不藏者是門戶不

要也

要約束也幽門闢門魄門皆倉廩之門戶門戶不能固則腸胃不能藏所以泄利不禁脾藏之失守

也

要

平聲

水泉不止者是膀胱不藏也

膀胱與腎為表裏所以藏津液水泉

不止而遺洩失禁

腎藏之失守也

得守者生失守者死

五藏得守則無已上諸病故生

失守則神

去而反矣

○夫五藏者身之強也

此下言形氣之不守而內應乎五藏也藏

氣充則形體強故

五藏為身之強

頭者精明之府頭傾視深精神將奪

矣

五藏六府之精氣皆上升於頭以成七竅之用故頭為精明之府頭傾者低垂不能舉也視深者目陷無

光也藏氣失強故

背者胃中之府背曲肩隨府將壞矣

背乃藏俞所繫故為胃中之府  
背曲肩隨亦藏氣之失強也  
腰者腎之府轉搖不能

腎將憊矣

此腎藏之失強也

膝者筋之府屈伸不能行則僂附

筋將憊矣

筋雖主於肝而維絡關節以立此身者惟膝之筋為最故膝為筋之府筋憊若是則諸

經之失強也

骨者髓之府不能久立行則振掉骨將憊

矣

髓充於骨故骨為髓之府髓空則骨弱無力此腎藏之失強也

得強則生失強則死

藏強則氣強故生失強則氣竭故死

五逆緩急

靈樞玉版篇  
○九十二

黃帝曰諸病皆有逆順可得聞乎岐伯曰腹脹身熱脉



大是一逆也

身熱脉大而加以腹脹表裏之邪俱盛也是為一逆

腹鳴而滿四肢

清泄其脉大是二逆也

腹鳴而滿四肢清冷而兼後泄陰證也脉不宜大而大者脉證

相反也是為二逆

衄而不止脉大是三逆也

鼻衄在陰脉大為陽陽實陰虛是謂

三逆○衄女六切

咳且溲血脱形其脉小勁是四逆也

咳而溲血脱形

者正氣已衰脉小而急者邪氣仍在邪正不能相當是為四逆

欬脱形身熱脉小以疾

是謂五逆也

脱形身熱真陰已虧而火猶不清也其脉細小疾數正邪盛正衰之候是為五逆

如是者不過十五日而死矣

一節之更時移氣易客強主弱則不能勝故不過十

五日而死

○其腹大脹四末清脱形泄甚是一逆也

此下言五逆之

急證也腹大脹者最忌中虛若見四肢清冷而腹脹便  
脫形泄甚者脾元敗而陽氣去也故為一逆

血其脉大時絕是二逆也腹脹便血陰病也脉大時絕孤陽將脫也故為二逆

澹血形肉脫脉搏是三逆也欬而澹血者氣血俱病形肉脫者敗在脾脉搏者真

藏也敗在胃氣故為三逆嘔血胃滿引背脉小而疾是四逆也嘔血胃滿

引於背者藏氣連乎背也脉見細小疾數則真元大虧矣故為四逆欬嘔腹脹且飧泄其

脉絕是五逆也上為欬嘔中為脹滿下為飧泄三焦俱病而脉至於絕者有邪無正也故為五

逆音孫如是者不及一時而死矣不及一時謂不能工

不察此者而刺之是謂逆治病不可治而強治之非惟無益適以資害是謂逆治

也

風痺死證

○靈樞厥病篇  
九十三

風痺淫灤病不可已者

病在陽命曰風病在陰命曰痺陰陽俱病命曰風痺淫灤者浸

淫日深之謂  
○樂音鹿

足如履水時如入湯中股脛淫灤煩心頭

痛時嘔時眩已汗出久則目眩悲以喜恐短氣不樂

不出三年死也

足如履水之寒又如入湯之熱下而股脛中而腹心上而頭目無所不病在表

則汗出在裏則短氣不樂或為悲哀或為喜恐此陰陽俱病之候雖尚可支持然不能出三年也○惋美本切

病傳死期

九十  
四

黃帝曰余受九鍼於夫子而私覽於諸方或有導引行氣喬摩灸熨刺焫飲藥之一者可獨守耶將盡行之乎

靈樞病傳論全○喬躄同焫如瑞切

岐伯曰諸方者衆人之方也非一人

之所盡行也

謂當因人所宜以施治是衆人各有其方也

黃帝曰此乃所謂

守一勿失萬物畢者也

人得其一則萬變之道可畢矣移精變氣論曰治之極於一即

此謂今余已聞陰陽之要虛實之理傾移之過可治之

屬願聞病之變化淫傳絕敗而不可治者可得聞乎

淫邪

傳變未必即危正氣絕敗則不可治矣

岐伯曰要乎哉問道昭乎其如日

醒寤乎其如夜瞑能被而服之神與俱成畢將服之神

自得之生神之理可著於竹帛不可傳於子孫

昭乎如醒道之

明也寤乎如瞑察之難也著之竹帛則澤及於人傳之子孫則通私於已故不可也黃帝曰何謂

日醒岐伯曰明於陰陽如惑之解如醉之醒黃帝曰何

謂夜瞑岐伯曰瘖乎其無聲漠乎其無形折毛發理正

氣橫傾淫邪泮衍血脉傳溜大氣入藏腹痛下淫可以

致死不可以致生

大氣大邪之氣也凡邪之中人瘖乎其無聲不可得而聞也漠乎其無形

不可得而見也至其絕敗則為折毛發理黃帝曰大氣

正氣橫傾等證故有死無生也○瘖音音

入藏奈何岐伯曰病先發於心一日而之肺三日而之

肝五日而之脾三日不已死冬夜半夏日中

病發於心而傳於肺

火乘金也三日而金復乘木故傳之肝也五日而木復乘土故傳之脾也再三日而邪氣不退其甚則死冬月夜半水王之極也夏月日中火王之極也心火畏水故冬則死於夜半陽邪亢極故夏則死於日中蓋衰極亦死盛極亦死有所偏勝則有所偏絕也五行之氣無不皆然下文之義皆放此病先發於肺三

日而之肝一日而之脾五日而之胃十日不已死冬日

入夏日出

自肺而肝自肝而脾皆傳所勝也自脾而胃表裏相傳也肺邪王於申酉故冬則死於日

入金氣絕於寅卯病先發於肝三日而之脾五日而之

故夏則死於日出

胃三日而之腎三日不已死冬日入夏蚤食

此肝木傳土而土邪

復傳水藏也木受傷者金勝則危故冬畏日入肝發病者木強則劇故夏畏蚤食時也

病先發於

脾一日而之胃二日而之腎三日而之腎膀胱十日不

已死冬人定夏晏食

此土邪乘水而表裏俱相傳也人定在亥而土病於冬者畏之寒水

反能侮土也晏食在巳而脾病於夏者畏之以戌巳王鄉而合邪為患也

病先發於胃五日

而之腎三日而之腎膀胱五日而上之心二日不已死

冬夜半夏日昞

此土邪傳水而水復傳火故自膀胱以及於心也下文標本病傳論云冬夜半

後丑也夏日昞未也皆土王之時故胃病逢之氣極則敗○昞音迭

病先發於腎三日而

之腎膀胱三日而上之心三日而之小腸三日不已死

冬大晨夏晏晡

此水病乘火而表裏皆相傳也大晨辰刻也為水之庫晏晡戌時也土能伐水

故病發於腎者不能出  
乎此也○晡邦模切

病先發於膀胱五日而之腎一

日而之小腸一日而之心二日不已死冬鷄鳴夏下晡

此亦水火二藏自表而裏之相傳也冬之鷄鳴在丑陰之極也夏之下晡在未水所畏也膀胱為水府故其盛極衰極皆能死諸病以次相傳如是者皆有死期不可刺也間

一藏及二三四藏者乃可刺也

間藏義詳脉色類十二七傳義詳藏象類二十

四



○夫病傳者心病先心痛

素問標本病傳論○此下皆詳明病傳之見證也故病發

於心者其證必先為心痛

一日而欬

心病傳肺也上文病傳論所謂一日而之肺者即其義也餘藏

此準三日脇支痛

肺復傳肝故脇支痛即所謂三日而之肝也

五日閉塞不通

身痛體重

所謂五日之脾也脾病則不能運化故閉塞不通

三日不已

再三日

已則脾又傳腎五藏俱傷故死

冬夜半夏日中

此子午時也釋義雖如上文然少陰君火主子

午正對之化心通其氣失守則死亦一義也

○肺病喘欬

肺主息故病為喘欬

三日而

脇支滿痛

三日而之肝也

一日身重體痛

一日而之脾也

五日而脹

五日

而之胃自藏傳府也

十日不已

十日不已則胃復傳腎而五行生成之數已極故死

冬日

入夏日出

此卯酉時也屬燥金之化肺主氣失守則死於義亦通

○肝病頭目眩

脇支滿

肝開竅於目而經脉布於脇肋也

三日體重身痛

即三日而脾也

五

日而脹

即五日而之胃也

三日腰脊少腹痛脛痠

即三日而之腎也

三

日不已死

三日不已則腎復傳心故死

冬日入夏蚤食

卯酉時也燥金主之為木

所畏於義亦通

○脾病身痛體重

脾主肌肉也

一日而脹

即一日而之胃也

二日少腹腰脊痛脛痠

即二日而之腎也

三日背脇筋痛小便

閉

即三日而之腎膀胱也○脇膂同音呂

十日不已死

十日不已則復冬傳於心故死

人定夏晏食

此巳亥時也司風木之化脾病畏之也

○腎病少腹腰脊痛

肝痠

腎主下部其經脈行於少腹腰脊肝骨之間也○肝音抗痠音酸

三日背脇筋痛

小便閉

即三日而之腎膀胱也

三日腹脹

即三日而之小腸也

三日兩脇支

痛

即三日而上之心也手心主之正別下淵腹三寸入胃中故兩脇支痛

三日不已

復傷

肺金也

冬大晨夏晏晡

此長戌時也土王四季為水所畏故腎病患之

○胃病脹

滿

胃脈布於腹裏也

五日少腹腰痛脇痠

即五日而之腎也

三日背

脇筋痛小便閉

即三日而之腎膀胱也

五日身體重

前病傳論曰五日而上之

心此云身體重者疑誤

六日不已

心復傳肺也

冬夜半後夏日昃

丑未

司濕土之化氣通於胃失守則反理之自然

○膀胱病小便閉

膀胱為津液之府也

五

日少腹脹腰脊痛肝痿

即五日而之腎也

一日腹脹

即一日而之小腸也

一日身體痛

即一日而之心府傳藏也心主血脉故為身體痛

二日不已死

心病

不已必又傳金藏故死

冬雞鳴夏下晡

丑未時也土能克水故膀胱之病畏之

諸病

以次是相傳如是者皆有死期不可刺

上文相傳死期各有遠近蓋其

藏有要害氣有虛實也倉公曰能穀者過期不能穀者不及期正此之謂既有死徵不可刺矣間一藏

止及至三四藏者乃可刺也

間三四藏者皆非以次相傳者也治之則愈故可用

鍼刺之

陰陽氣絕死期

靈樞經脉篇  
○九十五

手太陰氣絕則皮毛焦太陰者行氣溫於皮毛者也故氣不榮則皮毛焦皮毛焦則津液去皮節津液去皮節者則爪枯毛折毛折者則毛先死丙篤丁死火勝金也手太陰者肺也肺主皮毛故其氣絕則津液去於皮節而證在爪枯毛折也肺金畏火故危於丙丁○手少陰氣絕則脉不通脉不通則血不流血不流則髮色不澤故其面黑如漆柴者血先死壬篤癸死水勝火也手少陰者心也心主血脉故心脉絕則血先死其證在髮色不澤而面黑如漆也心火畏水故危於壬癸○髮音毛

髮也

○足太陰氣絕者則脉不榮肌肉唇舌者肌肉之

本也脉不榮則肌肉軟肌肉軟則舌萎人中滿人中滿

則唇反唇反者肉先死甲篤乙死木勝土也

足太陰者脾也脾主

肌肉故脾氣絕則肉先死其證在人中滿而舌萎唇反也脾土畏水故死於甲乙○萎音威色篤枯也

○

足少陰氣絕則骨枯少陰者冬脉也伏行而濡骨髓者

也故骨不濡則肉不能著也骨肉不相親則肉軟却肉

軟却故齒長而垢髮無澤髮無澤者骨先死戊篤己死

土勝水也

足少陰者腎也腎屬水故為冬脉腎主骨故腎氣絕則骨先死其證在骨肉不相親附則

齒長而垢精髓不能濡潤則髮枯無澤也腎水畏土故死於戊己○垢音苟

○足厥陰氣絕

則筋絕厥陰者肝脉也肝者筋之合也筋者聚於陰氣

當作器而脉絡於舌本也故脉弗榮則筋急筋急則引舌

與卵故唇青舌卷卵縮則筋先死庚篤辛死金勝木也

肝氣絕者筋先死其證則唇青舌卷而卵縮囊拳也肝木畏金故死於庚辛○五陰氣俱絕

則目系轉轉則目運目運者為志先死志先死則遠一

日半死矣

五藏之精皆上注於目故五陰氣絕則目轉而運志先死矣蓋志藏於腎陰之神也真陰

已竭死在周日間耳今有病劇而忽○六陽氣絕則陰

與陽相離離則腠理發泄絕汗乃出故旦占夕死夕占

旦死

汗本陰精固於陽氣陽氣絕則陰陽相離而腠理不閉脫汗乃出其死在頃刻間也

四時病死期

素問陰陽類論○九十六

雷公曰請問短期黃帝曰冬三月之病病合於陽者至

春正月脉有死徵皆歸出春

冬三月者陰盛時也病合於陽者陽證陽脉也出春

春盡夏初也以水王之時而病合於陽者時氣不足病氣有餘也及至孟春正月陽氣發生則陽邪愈勝陰氣愈竭若脉有死徵則出春交夏而陽盛陰衰俱已至極無所逃矣冬三月之病在理已

盡草與柳葉皆殺

在理已盡謂察其脉證之理已無生意也以冬月之病而得此則凡草色

之青柳葉之見陰陽氣易皆其死期故云皆殺也○殺少戒切春陰陽皆絕期在孟春



陰陽皆絕謂陰中無陽陽中無陰彼此相絕不交通也  
病由冬月而春猶若此是生氣之竭也短期當在孟春

矣○春三月之病曰陽殺春月陽氣方升而病在陽者故曰陽殺殺者衰也陰

陽皆絕期在草乾

以三春陽殺之病而陰陽否絕者期在深秋草乾之時金氣勝而病發於

春者反矣○夏三月之病至陰不過十日脾腎皆為至陰夏三月以陽盛之時

而脾腎傷極則真陰敗絕天干陰陽交則在瀦水陰陽交則在瀦水陰陽

易氣不能堪矣故不過十日也陰脈見於陽則陽氣失守陽脈見於陰則陰氣失守若

是者雖無危證而脉象已逆見於夏月則危於仲秋瀦水之時也○秋三月之病三陽俱起不治自已秋時

瀦音歛清也漸衰陰氣漸長雖三陽脉病陰陽交合者立不能坐坐

不能起

秋氣將斂未斂故有陰陽交合為病者則或精或氣必有所傷而致動止不利蓋陽勝陰故立

不能坐陰勝陽故坐不能起

三陽獨至期在石水

三陽獨至即二陽并至陽亢陰竭之

候也陰竭在冬本無生意而孤陽過水終為撲滅故期在水堅如石之時也

二陰獨至期在

盛水

二陰全元起本作三陰即所謂三陰并至有陰無陽也盛水者正月雨水之候孤陰難以獨立故遇

陽勝之時則不能保其存也

十二經終

素問診要經終論○九十七

帝曰願聞十二經脉之終奈何

十二經脉即十二藏之氣也終者氣盡之謂

岐伯曰太陽之脉其終也戴眼反折瘈瘲其色白絕汗

乃出出則死矣

戴者戴於上也謂目睛仰視而不能轉也反折腰脊反張也瘕者筋之急也瘕

者筋之緩也絕汗者暴出如油不能收也足太陽之脉起於目內眥上額交巔入絡腦下項夾脊抵腰中下至足之小指手太陽之脉起於小指之端循臂上肩其支者循頸上頰至目之外眥故其為病如此然太陽為三陽之表故主色白汗出靈樞終始篇曰其色白絕皮乃絕汗絕汗則終矣亦主表之謂○瘕音熾瘕音縱少

陽終者耳聾百節皆縱目震絕系絕系一日半死其死

也色先青白乃死矣

手足少陽之脉皆入於耳中亦皆至於目銳眥故為耳聾目震也震

者直視如驚貌因少陽之系絕不能旋轉故若此也膽者筋其應少陽氣絕故百節皆縱也木之色青金之色白金木相賊則青白先見此

少陽之死候也

○震音瓊

陽明終者口目動作善驚

妄言色黃其上下經盛不仁則終矣

手足陽明之脉皆挾口入目故為口

目動作而牽引歪斜也聞木音則惕然而驚是陽明善驚也罵詈不避親疎是陽明妄言也黃者土色外見也上下經盛謂頭頸手足陽明之脉皆躁動而盛是胃氣之敗也不知疼痛謂之不仁是肌肉之敗也此皆陽明氣竭之候

少陰終者面黑齒長而垢腹脹閉上下不通而終

矣

手少陰氣絕則血敗足少陰氣絕則色如焰故面黑也腎主骨腎敗則骨敗故齒根不固長而垢也手少

陰之脉下膈絡小腸足少陰之脉絡膀胱貫肝膈故為腹脹閉上下不通則心腎膈絕此少陰之終也

太

陰終者腹脹閉不得息善噫善嘔嘔則逆逆則面赤不

逆則上下不通不通則面黑皮毛焦而終矣


足太陰脉入腹屬脾

故為腹脹閉手太陰脉上鬲屬肺而主呼吸故為不得  
息脹閉則升降難不得息則氣道滯故為噫為嘔嘔則  
氣逆於上故為面赤不逆則否塞於中故為上下不通  
脾氣敗則無以制水故黑色見於面肺氣敗則治節不  
行故皮毛焦而厥陰終者中熱噤乾善溺心煩甚則舌  
終矣○噫音伊

卷卵上縮而終矣

手厥陰心主之脉起於胃中出屬心  
包絡下膈歷絡三焦足厥陰肝脉循

喉嚨之後上入顏頰其下者循股陰入毛中過陰器故  
為中熱噤乾善溺心煩等病又舌者心之官也肝者筋  
之合也筋者聚於陰器而脉絡於舌本故甚則  
舌卷卵縮而厥陰之氣終矣○噤音益卷上聲  
經之所敗也  
手足六經各分表裏是十二經也按  
靈樞終始篇文與此同者俱不重  
此十二



類經卷十八

欽定四庫全書

子部  
類經卷十九

詳校官太醫院思種臣袁天錫

編修臣倉聖脈覆勘

總校官知縣臣楊懋珩

校對官中書臣范來宗

謄錄監生臣李璜

欽定四庫全書

類經卷十九

明 張介賓 撰

鍼刺類

九鍼之要

靈樞九鍼十  
干原篇〇一

黃帝問於岐伯曰余子萬民養百姓而收其租稅余哀其不給而屬有疾病余欲勿使被毒藥無用砭石欲以微鍼通其經脉調其血氣營其逆順出入之會令可傳於後世必明為之法令終而不滅久而不絕易用難忘



為之經紀異其章別其表裏為之終始令各有形先立

鍼經願聞其情

靈樞即名鍼經義本諸此

岐伯荅曰臣請推而次之

今有綱紀始於一終於九焉

始於一終於九天地之全數也鍼合三才而通萬變

故數亦應之

請言其道小鍼之要易陳而難入麤守形上守

神

小鍼即上文微鍼之謂易陳者常法易言也難入者精微難及也粗守形粗工守形跡之見在也上守神

上工察神氣於冥冥也

不但用鍼諸治皆然神乎神客在門未觀其疾惡知

其原

神正氣也客邪氣也神乎神言正氣盛衰當辨於疑似也客在門言邪之往來當識其出入也設未

觀其疾之所在又惡知其當治之原哉○惡音烏

刺之微在速遲麤守關上守

機

微精微也在速遲知疾徐之宜也粗守關守

機之動

不離其空

氣機之至隨經皆有其處可因之而知虛實也○空孔同

空中之機清靜

而微

言察宜詳慎也

其來不可逢其往不可追

來不可逢勿補其實也往不可

追勿寫其虛也

知機之道者不可掛以髮不知機道叩之不發

機之道者一氣而已不可掛以髮極言其精不可亂也叩之不發用失其道則氣不至也

知其往來

要與之期

知氣之往來有逆順衰盛之機而取舍弗失其時也○要平聲約也

鹿麕之闔乎

妙哉工獨有之

粗者闔而弗知妙工獨見之矣○闔愛敢切又音暗

往者為逆來

者為順明知逆順正行無問

往氣之去也故為之逆來氣之至也故為之順知往

來之逆順則正法行之不必疑而更問也○下  
二句與至真要大論辭同用異詳標本類第二

之惡得無虛追而濟之惡得無實  
逆其氣至而奪之寫其實也惡得無虛隨

其氣去而濟之補其虛也惡得無實故寫必因  
吸內鍼補必因呼內鍼此即迎來隨去之義  
迎之隨

之以意和之鍼道畢矣  
用鍼之法補寫而已補寫之法迎隨而已必得其和則鍼道畢

於是  
○小鍼解曰所謂易陳者易言也難入者難著於

人也  
本篇即前篇之釋義故不詳註凡後篇有同者皆放此  
麤守形者守刺法也

上守神者守人之血氣有餘不足可補寫也神客者正

邪共會也  
神正也客邪也邪正相干故曰共會  
神者正氣也客者邪氣也

在門者邪循正氣之所出入也

出入所由故謂之門

未覩其疾者

先知邪正何經之疾也惡知其原者先知何經之病所

取之處也

若不能先知是為未覩其疾又曰惡知其原

刺之微在速遲者徐

疾之意也麤守關者守四肢而不知血氣正邪之往來

也

手之兩肘足之兩膝謂之四關

上守機者知守氣也

往來逆順至與不至皆氣之機

也機之動不離其空中者知氣之虛實用鍼之徐疾也

空中之機清淨以微者鍼以得氣密意守氣勿失也其

來不可逢者氣盛不可補也其往不可追者氣虛不可

寫也不可掛以髮者言氣易失也

毫釐之差即失其氣之機也

扣之

不發者言不知補寫之意也血氣已盡而氣不下也

補寫

不得其法雖竭盡血氣而病氣不應也

知其往來者知氣之逆順盛虛也

要與之期者知氣之可取之時也麤之闇者冥冥不知

氣之微密也妙哉工獨有之者盡知鍼意也往者為逆

者言氣之虛而小小者逆也

氣去故脉虛而小

來者為順者言

形氣之平平者順也

氣來故脉平而和

明知逆順正行無問者

言知所取之處也迎而奪之者寫也追而濟之者補也

九鍼二

岐伯曰九鍼之名各不同形

靈樞九鍼十二原篇

○一曰鑱鍼長

一寸六分鑱鍼者頭大末銳去寫陽氣

九鍼詳註見下文  
鑱音讒

○二曰員鍼長一寸六分員鍼者鍼如卵形揩摩分間

不得傷肌肉以寫分氣

措卹皆切

○三曰鍤鍼長三寸半鍤

鍼者鋒如黍粟之銳主按脉勿陷以致其氣

鍤音低

○四

曰鋒鍼長一寸六分鋒鍼者刃三隅以發痼疾○五曰

鈹鍼長四寸廣二分半鈹鍼者末如劒鋒以取大膿

鈹音

披

○六曰員利鍼長一寸六分員利鍼者大如釐且員

且銳中身微大以取暴氣

暴氣痺氣之暴發也  
釐釐同又音毛

○七曰

毫鍼長三寸六分毫鍼者尖如蚊虻喙靜以徐往微以

久留之而養以取痛痺

喙音晦

○八曰長鍼長七寸長鍼

者鋒利身薄可以取遠痺○九曰大鍼長四寸大鍼者

尖如挺其鋒微員以寫機關之水也

挺題頂梯  
頂二切

九鍼畢

矣

○黃帝曰余聞九鍼於夫子衆多博大矣余猶不能寤

敢問九鍼焉生何因而有名

靈樞九鍼論

岐伯曰九鍼者天

地之大數也始於一而終於九

一九詳義又見脉色類五

故曰一以

法天二以法地三以法人四以法時五以法音六以法

律七以法星八以法風九以法野黃帝曰以鍼應九之

數奈何岐伯曰夫聖人之起天地之數也一而九之故

以立九野九而九之九九八十一以起黃鍾數焉以鍼

應數也

自一至九九九八十一而黃鍾之數起焉黃鍾為萬事之本故鍼數亦應之而用變無窮也

黃鍾詳義見附翼二卷

○一者天也天者陽也五藏之應天者肺



肺者五藏六府之蓋也皮者肺之合也人之陽也故為之治鍼必以大其頭而銳其末令無得深入而陽氣出此下皆詳明九鍼之義一者法天法於陽也人之五藏惟肺最高而覆於藏府之上其象應天其合皮毛亦屬乎陽故治鑱鍼必大其頭鋒其末蓋所用淺但欲出其陽邪耳

○二者地也人之所

以應土者肉也故為之治鍼必筭其身而員其末令無

得傷肉分傷則氣得竭

二者法地地之應人者在肉故治員鍼必筭其身員其末鍼如

卵形以利導於分肉間蓋恐過傷肌肉以竭脾氣故用不在銳而主治分間之邪氣也

○三

者人也人之所以成生者血脉也故為之治鍼必大其

身而員其末令可以按脉勿陷以致其氣令邪氣獨出

三者法人人之生成在於血脉故治鍼鍼必大其身員其末用在按脉致氣以出其邪而不欲其過深陷於血脉之分也 ○四者時也時者四時八風之客於經絡之中為

瘤病者也故為之治鍼必審其身而鋒其末令可以寫

熱出血而瘤病竭

四者法時應在時氣瘤邪而為病也瘤者留也故治鍼必審其身鋒其末

因其直壯而銳故可以寫熱出血而取雍瘤之疾

○五者音也音者冬夏之分

分於子午陰與陽別寒與熱爭兩氣相搏合為癰膿者

也故為之治鍼必令其末如劒鋒可以取大膿

五以法音音者

合五行而應天干故有冬夏子午之分治以鉞鍼必令其末如劒鋒用在治寒熱取大膿以平陰陽之氣也

○六者律也律者調陰陽四時而合十二經脉虛邪客於經絡而為暴痺者也故為之治鍼必令尖如釐且員

且銳中身微大以取暴氣

六以法律律應四時十二支而合於人之十二經脉今虛

邪客於經絡而為暴痺者治以員利鍼必令尖如釐且員且銳中身微大其用在利故可以取諸經暴痺之氣

痺義詳疾病六十七

○七者星也星者人之七竅邪之所客於經

而為痛痺舍於經絡者也故為之治鍼令尖如蚊虻喙靜以徐往微以久留正氣因之真邪俱往出鍼而養者

也

七以法星而合於人之七竅舉七竅之大者言則通身空竅皆所主也治以毫鍼令尖如蚊虻喙蓋用在

微細徐緩漸散其邪以養真氣故可以取寒熱痛痺浮淺之在絡者

○八者風也風者人

之股肱八節也八正之虛風八風傷入內舍於骨解腰

脊節腠理之間為深痺也故為之治鍼必長其身鋒其

末可以取深邪遠痺

九以法風而合於人之股肱八節言八節則通身骨節皆其屬也凡

虛風之深入者必內舍於骨解腰脊節湊之間故欲取深邪遠痺者必為大鍼以治之也

○九者野

也野者人之節解皮膚之間也淫邪流溢於身如風水

之狀而溜不能過於機關大節者也故為之治鍼令尖

如挺其鋒微員以取大氣之不能過於關節者也

九以法野

野以應人之周身凡淫邪流溢於肌體為風為水不能過於關節而壅滯為病者必用大鍼以利機關之大氣大氣通則淫邪行矣尖如挺者言其粗且巨也○身形應九野詳經絡類三十五仍有圖在圖翼四卷○

○黃帝曰鍼之長短有數乎

此下復明九鍼大小之數也

岐伯曰一

曰鑱鍼者取法於巾鍼去末寸半卒銳之長一寸六分

主熱在頭身也

鑱銳也卒尾也此鍼身大其近末約寸半許而漸銳之共長一寸六分主寫去

陽氣故治熱在頭身○按巾鍼絮鍼纂鍼等製必古鍼名也未詳其義

○二曰員鍼取法

於絮鍼筭其身而卵其鋒長一寸六分主治分間氣

如筭

竹筩也。卵員如卵銳也。此鍼直其身員其末故但治分間之氣而不使傷其肌肉也。○三曰錐鍼

取法於黍粟之銳長三寸半主按脉取氣令邪出

黍粟之銳

員而微尖也。此云按脉取氣前文曰按脉勿陷以致其氣蓋利於用補者也。

○四曰鋒鍼取

法於絮鍼筩其身鋒其末長一寸六分主癰熱出血

文上

九鍼十二原篇云刃三隅以發癰疾蓋三稜者也。本篇言筩其身者似或有誤。

○五曰鈹鍼取

法於劒鋒廣二分半長四寸主大癰膿兩熱爭者也

取法

劒鋒言濶大也。兩熱爭者言寒熱不調兩氣相搏也。

○六曰員利鍼取法於釵鍼

微大其末反小其身令可深內也。長一寸六分主取癰

痺者也

毛之強者曰毫取法於毫者用其細健可稍深也

○七曰毫鍼取法於

毫毛長一寸六分主寒熱痛痺在絡者也○八曰長鍼

取法於綦鍼長七寸主取深邪遠痺者也○九曰大鍼

取法於鋒鍼其鋒微員長四寸主取大氣不出關節者

也

以上九鍼有圖在圖翼四卷

鍼形畢矣此九鍼大小長短法也

按

上九鍼之用凡所取者皆言有餘之實邪則鍼不宜於治虛也從可知矣

九鍼之義應天人

素問鍼解篇○三

帝曰余聞九鍼上應天地四時陰陽願聞其方今可傳

於後世以為常也岐伯曰夫一天二地三人四時五音

六律七星八風九野身形亦應之鍼各有所宜故曰九

鍼

九鍼之法各有其宜也

人皮應天

包覆萬物天之象也

人肉應地

厚靜藏物地之

象人脈應人

動靜有期盛衰有變位於天地之中人之象也

人筋應時

時主周歲筋束

周身應其象也

人聲應音

音以聲生備五行也

人陰陽合氣應律

人有六陰六陽

以合天氣律之象也

人齒面目應星

森羅布列星之象也

人出入氣應風

呼吸

出入風之象也

人九竅三百六十五絡應野

形體周徧野之象也

故一鍼

皮二鍼肉三鍼脉四鍼筋五鍼骨六鍼調陰陽七鍼益



精八鍼除風九鍼通九竅除三百六十五節氣此之謂

各有所主也

此結上文九鍼之用各有所宜也

人心意應八風

此下復明上文

不盡之義也人之心意多變天之八風無常故相應也

人氣應天

氣屬陽而運行不息故應天

人髮齒耳目五聲應五音六律

髮之多齒之列耳之聰目之明五聲之抑揚清

濁皆紛紜不亂各有條理故應五音六律人陰陽脉血氣應地

人陰陽脉血氣之行於肉

中亦猶經水之在土也故應於地

人肝目應之九九竅三百六十五人

一以觀動靜天二以候五色七星應之以候髮母澤五

音一以候宮商角徵羽六律有餘不足應之二地一以

候高下有餘九野一節俞應之以候閉節三人變一分  
人候齒泄多血少十分角之變五分以候緩急六分不  
足三分寒關節第九分四時人寒溫燥濕四時一應之  
解

此一百二十九字古經靈簡義理殘闕必有遺誤不敢強

○九鍼之宜各有所為

靈樞官鍼篇○四

凡刺之要官鍼最妙

官法也公也製有法而公於人故曰官鍼

九鍼之宜各

有所為長短大小各有所施也不得其用病弗能移

不用

得法則不能去病

疾淺鍼深內傷良肉皮膚為癰

內傷良肉則血流於內而

潰於外故皮膚為癰

病深鍼淺病氣不寫支為大膿

病氣不寫而傷其支絡故

為大膿凡病有沉浮刺分深淺過之則內傷不及則外壅邪反從之後生大病

病小鍼大氣寫

太甚疾必為害

氣寫太甚元氣傷也故必為害

病大鍼小氣不泄寫亦

復為敗

鍼不及病則病氣不泄而刺失其宜故亦為敗

失鍼之宜大者寫小者

不移

當小而大則寫傷正氣當大而小則病不能移皆失鍼之宜也

已言其過請言其

所施

上文言其過失下文言其所施

○病在皮膚無常處者取以鑱鍼

於病所膚白勿取

病在皮膚無常處者火之遊行也用鑱鍼者主寫陽氣也膚白則無火可

知故不  
宜刺

○病在分肉間取以員鍼於病所 病在經絡

痼痺者取以鋒鍼○病在脉氣少當補之者取之錐鍼

於井榮分輸

此鍼宜於用補  
分輸言各經也

○病為大膿者取以鈹鍼

○病痺氣暴發者取以員利鍼○病痺氣痛而不去者

取以毫鍼

○病在中者取以長鍼

中者言  
其遠也

○病水腫不

能通關節者取以大鍼○病在五藏固居者取以鋒鍼

寫於井榮分輸取以四時

四時義詳  
後十八

# 九變十二節

靈樞官鍼  
篇○五

凡刺有九以應九變一曰輸刺輸刺者刺諸經榮輸藏

腧也

諸經榮輸凡井榮經合之類皆腧也藏腧背間之藏府腧也○本經輸腧俞三字皆通用二曰

遠道刺遠道刺者病在上取之下刺府腧也

府腧謂足太陽膀胱

經足陽明胃經足少陽膽經十二經中惟此三經最遠可以因下取上故曰遠道刺

三曰經刺經

刺者刺大經之結絡經分也

直刺結絡者因其結聚而取之所謂解結也四

曰絡刺絡刺者刺小絡之血脉也

調經論曰病在血調之絡經脉篇曰諸刺

絡脉者必刺其結上甚血者雖無結急取之以寫其邪而出其血留之發為痺也

五曰分刺分

刺者刺分肉之間也

刺分肉者泄肌肉之邪也

六曰大寫刺大寫刺

者刺大膿以鉞鍼也

治癰瘍也

七曰毛刺毛刺者刺浮痺皮

膚也

其治在淺也

八曰巨刺巨刺者左取右右取左

邪客於經而有

移易者以巨刺治之詳見後三十

九曰焮刺焮刺者刺燔鍼則取痺也

謂燒鍼而刺也即後世火鍼之屬取寒痺者用之以上謂之九變○焮音翠燔音凡

○凡刺有十

二節以應十二經一曰偶刺偶刺者以手直心若背直

痛所一刺前一刺後以治心痺刺此者傍鍼之也

偶兩也前

後各一故曰偶刺直當也以手直心若背謂前心後心當其痛所各用一鍼治之然須斜鍼以刺其傍恐中心則死

二曰報刺報刺者刺痛無常處也上下行者直內

無拔鍼以左手隨病所按之乃出鍼復刺之也

報刺重刺也痛

無常處則或上或下隨病所在即直內其鍼留而勿拔乃以左手按之再得痛處乃出前鍼而復刺之也

曰恢刺恢刺者刺傍之舉之前後恢筋急以治筋痺也

恢恢廓也筋急者不刺筋而刺其傍必數舉其鍼或前或後以恢其氣則筋痺可舒也

四曰齊刺

齊刺者直入一傍入二以治寒氣小深者或曰三刺三

刺者治痺氣小深者也

齊者三鍼齊用也故又曰三刺以一鍼直入其中二鍼夾入其

傍治寒痺稍深之法也

五曰揚刺揚刺者正內一傍內四而浮之

以治寒氣之博大者也

揚散也中外共五鍼而用在六浮泛故能祛散博大之寒氣

曰直鍼刺直鍼刺者引皮乃刺之以治寒氣之淺者也

直者直入無避也引起其皮而刺之則所用不深故但治寒氣之淺者

七曰輸刺輸刺者

直入直出稀發鍼而深之以治氣盛而熱者也

輸委輸也言能

輸寫其邪非上文榮輸之謂直入直出用其銳也

八曰

短刺短刺者刺骨痺稍搖而深之致鍼骨所以上下摩

骨也

短者入之漸也故稍搖而深致鍼骨所以摩骨痺摩迫切也

九曰浮刺浮刺者

傍入而浮之以治肌急而寒者也

浮輕浮也傍入其鍼而浮舉之故可治肌

膚之寒○此與上文毛刺義大同

十曰陰刺陰刺者左右率刺之以治



寒厥中寒厥足踝後少陰也

陰刺者刺陰寒也率統也言治寒厥者於足踝後少

陰經左右皆刺之

十一曰傍鍼刺傍鍼刺者直刺傍刺各一以

治留痺久居者也

傍鍼刺者一正一傍也正者刺其經傍者刺其絡故可以刺久居之留痺

十二曰贊刺贊刺者直入直出數發鍼而淺之出血是

謂治癰腫也

贊助也數發鍼而淺之以後助前故可使之出血而治癰腫

三刺淺深五刺五藏

靈樞官鍼篇〇六

脉之所居深不見者刺之微內鍼而久留之以致其空

脉氣也

刺深脉者亦必微內其鍼蓋恐太過反傷正氣故但久留而引致之使其空中之脉氣上行也

脉淺者勿刺按絕其脉乃刺之無令精出獨出其邪氣

耳

脉淺者最易泄氣故必先按絕其脉而後入鍼則精氣無所傷獨取其邪矣

所謂三刺則

穀氣出者

自此至下文穀氣皆釋終始篇之義詳見後十六

先淺刺絕皮以出

陽邪

絕透也淺刺皮腠故出陽邪

再刺則陰邪出者少益深絕皮致

肌肉未入分肉間也

絕皮及肌邪氣稍深故曰陰邪太肉深處各有分理是謂分肉間也

已入分肉之間則穀氣出

穀氣即正氣亦曰神氣出至也終始篇曰所謂穀氣至者

已補而實已寫而虛故以知穀氣至也

故刺法曰始刺淺之以逐邪氣而

來血氣後刺深之以致陰氣之邪最後刺極深之下

穀氣此之謂也

凡刺之淺深其法有三先刺絕皮取衛中之陽邪也再刺稍深取營中之陰邪

也三刺最深及於分肉之間則穀氣始下故用鍼者不

知年之所加氣之盛衰虛實之所起不可以為工也

之年

所加如天元紀至真要等論是也氣之盛衰如八正神明論陰陽繫日月等篇是也知天地之氣候則人有五虛五實皆可因而知矣○此數句又見六節藏象論詳運氣類第一○凡刺有五以應五

藏一曰半刺半刺者淺內而疾發鍼無鍼傷肉如拔毛

狀以取皮氣此肺之應也

此即前章毛刺之義淺入而疾發故可取皮分以應肺

二曰豹文刺豹文刺者左右前後鍼之中脉為故以取

經絡之血者此心之應也

豹文者言其多也主取血脉所以應心

三曰關

刺關刺者直刺左右盡筋上以取筋痺慎無出血此肝

之應也或曰淵刺一曰豈刺

關關節也左右四肢也盡筋即關節之處也慎無出

血血以養筋也肝主筋刺筋所以應肝淵刺豈刺皆古名也

四曰合谷刺合谷刺者

左右雞足鍼於分肉之間以取肌痺此脾之應也

合谷刺者

言三四攢合如雞足也邪在肉間其氣廣大非合刺不可脾主肌肉故取肌痺者所以應脾

五曰輸

刺輸刺者直入直出深內之至骨以取骨痺此腎之應

也

輸刺義見前章腎主骨刺深至骨所以應腎

用鍼虛實補寫七

凡用鍼者虛則實之滿則泄之

靈樞九鍼十二原篇○此篇言用鍼之要全憑

虛實以為補寫實即補也泄即寫也

宛陳則除之邪勝則虛之

宛鬱同陳積也除之

去其滯虛之泄其邪也

大要曰徐而疾則實疾而徐則虛

徐出鍼而疾按

之為補故虛者可實疾出鍼而徐按之為寫故實者可虛

言實與虛若有若無

實之與虛

在有氣無氣耳氣本無形故若有若無善察之者神悟於有無之間也

察後與先若存若

亡

察後與先求病所急而治分先後也若存若亡察氣之行與不行以為鍼之去留也

為虛為實

若得若失

欲虛而虛欲實而實是得法也粗工妄為則失之矣

虛實之要九鍼最

妙

各有所宜之要也

補寫之時以鍼為之

當補當寫用有其時在氣會之頃詳如下

文

寫曰必持內之放而出之排陽得鍼邪氣得泄

凡用寫者

必持內之謂持之堅而入之銳也放而出之謂因其氣來出之疾而按之徐也故可排開陽道以泄邪氣按

而引鍼是謂內溫血不得散氣不得出也

凡用補者必按其穴而引

退其鍼是謂內溫故血不散氣不出而虛者實矣

補曰隨之隨之意若妄之若

行若按若蚊虻止

此下皆言補法也隨者因其氣去迫而濟之也妄虛妄也意若妄之言意

會於有無之間也若行若按言行其氣按其處也若蚊虻止言當輕巧無跡而用得其精也

如留如

還去如弦絕

留留鍼也還出鍼也去如弦絕輕且捷也故無損而能補

令左屬右其

氣故止外門已閉中氣乃實

右手出鍼左手隨而按捫之是令左屬右也故門戶

閉於外中氣實於內

必無留血急取誅之

凡取血絡者不可使有留血宜急去之也持

鍼之道堅者為寶正指直刺無鍼左右

堅而有力則直達病所正而不

斜則必中氣穴

神在秋毫屬意病者審視血脉者刺之無殆

醫

神見在悉秋毫必精必確加意病者詳審血脉然後刺之庶無危殆

方刺之時必在懸陽

及與兩衛

懸猶言舉也陽神氣也凡刺之時必先舉神氣為主故曰懸陽兩衛者衛氣在陽肌表之

衛也脾氣在陰藏府之衛也二者皆神氣所居不可傷犯凡用鍼者首宜顧此故曰兩衛○師傳篇曰脾者主

為衛詳藏象類二十九

神屬勿去知病存亡

此即懸陽之義故存亡係之

血脉

者在腠橫居視之獨澄切之獨堅

上文言神氣之所居此言血脈之所在也

視之獨澄者必欲索其隱切之獨堅者必欲拔其本也

○帝曰何如而虛何如而實

素問實命全形論○此下言虛實之治并及諸所當

慎也岐伯曰刺虛者瀕其實刺實者瀕其虛經氣已至慎

守勿失深淺在志遠近若一如臨深淵手如握虎神無

營於衆物

此節詳註見下文

○小鍼解曰所謂虛則實之者氣

口虛而當補之也滿則泄之者氣口盛而當寫之也

此與

下文鍼解篇皆釋前篇之義但此以氣口言虛實彼以鍼下氣至言虛實義雖若異然互有發明皆當察也



宛陳則除之者去血脉也邪盛則虛之者言諸經有盛

者皆寫其邪也

此云寫其邪與下文出鍼勿按義同

徐而疾則實者言徐

內而疾出也疾而徐則虛者言疾內而徐出也

此二句釋義其

用似反當以下文鍼解篇者為得

言實與虛若有若無者言實者有氣

虛者無氣也察後與先若亡若存者言氣之虛實補寫

之先後也察其氣之已下與常存也

已下言已退也

為虛與實

若得若失者言補者必然若有得也寫則恍然若有失

也

此釋與下篇不同其義皆通○此音弼詩云威儀必必

○鍼解篇黃帝問曰願

聞九鍼之解虛實之道

自此至下文補寫之時九鍼之名者皆釋前九鍼十二原篇之

義岐伯對曰刺虛則實之者鍼下熱也氣實乃熱也滿

而泄之者鍼下寒也氣虛乃寒也

鍼下熱者自寒而熱也熱則正氣至而虛

者實矣故為補鍼下寒者自熱而寒也寒則邪氣去而實者虛矣故為寫此釋當與上解者參閱

宛陳

則除之者出惡血也邪盛則虛之者出鍼勿按

出鍼勿按即寫

其邪也○本經宛皆通用通作鬱

徐而疾則實者徐出鍼而疾按之疾

而徐則虛者疾出鍼而徐按之

鍼下得氣已盛而徐出之則經脉無傷疾按之

則真氣不泄此補法也故能實若鍼已及病而疾出之徐按之則宛滯行邪氣去此寫法也故能虛

言實

與虛者寒溫氣多少也

寒為虛溫為實氣少為虛氣多為實

若無若有者

疾不可知也

氣至之有無鍼下之虛實誠不易知也疾不可知故若無明能察之故若有

察

後與先者知病先後也

病有標本先者為本後者為標

為虛與實者工

勿失其法若得若失者離其法也

虛當補實當寫法不可失也若有得若有

失者粗工妄為離其法耳

虛實之要九鍼最妙者為其各有所宜也

九鍼之用各有所宜詳見前第二章

補寫之時者與氣開闔相合也

氣至應時

謂之開已過未至謂之闔補寫之時者凡諸經脉氣晝夜周行五十度各有所至之時如經絡類營氣衛氣運行之次二章者是也故衛氣行篇曰謹候其氣之所在而刺之是謂逢時此所謂補寫之時也又若鍼下氣來

謂之開可以迎而寫之鍼下氣去謂之闔可九鍼之名以隨而補之此皆鍼與氣開闔相合之義

各不同形者鍼窮其所當補寫也

各不同形故補寫各有所用

○刺

實須其虛者留鍼陰氣隆至乃去鍼也刺虛須其實者

陽氣隆至鍼下熱乃去鍼也

自此至下文神無營於衆物者皆釋前實命全形論

之義○陰氣隆至鍼下寒也陽邪已退實者虛矣陽氣隆至鍼下熱也元氣已復虛者實矣故皆可去鍼也

經氣已至慎守勿失者勿變更也

慎守勿失勿變更者戒其主持不定多生

惑亂不惟無益反招損也

淺深在志者知病之内外也

内宜刺深外宜刺淺最當

在意不可忽也

近遠如一者深淺其候等也

深者取氣遠淺者取氣近遠近雖不

同以得氣為候則如一也

如臨深淵者不敢墮也

言行鍼之際當敬慎若此也

手

如握虎者欲其壯也

持鍼如握虎欲其堅而有力也

神無營於眾物者

靜志觀病人無左右視也

神志不定先從目始目靜則神靜神靜則志專病以靜觀

方無失也故無左右視

義無邪下者欲端以正也

此即前篇正指直刺無鍼左右

之必正其神者欲瞻病人目制其神令氣易行也

目者神之

竅欲正病者之神必瞻其目制彼精神令無散越則氣為神使脉道易行也

○所謂三里者

下膝三寸也

三里有二此言足三里足陽明經穴也○按此下言取穴之法非本篇上下之義意

必他篇之文脫悞於此者

所謂跗之者舉膝分易見也

跗之當作跗上即足陽明

衝陽穴也蓋三里衝陽一脈相貫舉膝下三里而重  
按之則衝陽之脈不動矣故舉其膝分別易見也

巨

虛者蹻足胗獨陷者

言巨虛有二上廉下廉也蹻舉也此言巨虛上廉當蹻足取之在胗骨

外側獨陷者之中也下廉者陷下者也

此言巨虛下廉又在獨陷者之下蓋上廉下廉相去

耳三寸

陰陽虛實補寫先後

靈樞終始篇〇八

陰盛而陽虛先補其陽後寫其陰而和之陰虛而陽盛

先補其陰後寫其陽而和之

此以脉口人迎言陰陽也脉口盛者陰經盛而陽經

虛也當先補其陽後寫其陰而和之人迎盛者陽經盛而陰經虛也當先補其陰後寫其陽而和之何也以治

病者皆宜先顧正氣後治邪氣蓋攻實無難伐三脉動  
虛當畏於此節之義可見用鍼用藥其道皆然

於足大指之間必審其實虛虛而寫之是謂重虛重虛

病益甚

三脉動者陽明起於大指次指之間自厲兌以至衝陽皆是也厥陰起於大指之間自大敦以

至太衝皆是也少陰起於足心自湧泉以上太谿皆是也三者皆在大指之後故曰動於足大指之間也虛而

寫之故病益甚

凡刺此者以指按之脉動而實且疾者疾寫之

虛而徐者則補之反此者病益甚

寫虛補實是為反也

其動也陽

明在上厥陰在中少陰在下

陽明行足跗之上厥陰行足跗之內而在二經之中

少陰行足跗之下也

○補瀕一方實深取之稀按其痞以極出其

邪氣

同前終始篇○補當作刺刺法雖多其要惟二則補寫而已一者因其方實故當深取之勿按其痛

欲以出其邪氣此寫法也○痛委偉二音鍼癰也

一方虛淺刺之以養其脉疾

按其痛無使邪氣得入

一者因其方虛故當淺刺之以養其血脉疾按其穴以拒其邪

氣此補法也

邪氣來也緊而疾穀氣來也徐而和

邪氣病氣也穀氣元

氣也即胃氣也此雖以鍼下之氣為言然脉氣之至亦如此

脉實者深刺之以泄其

氣脉虛者淺刺之使精氣無得出以養其脉獨出其邪

氣

諸篇皆言虛實而未詳虛實之辨此言脉實則實脉虛則虛實則深刺之以泄其氣虛則淺刺之無傷精

氣以養其脉而獨出其邪氣庶補寫知其要矣



寶命全形必先治神五虛勿近五實勿遠

素問寶命

全形論

○九

黃帝問曰天覆地載萬物悉備莫貴於人人以天地之

氣生四時之法成

天地之間唯人為貴乾稱乎父坤稱乎母故以天地之氣生春應肝而養

生夏應心而養長夏應脾而養化秋應肺而養收冬應腎而養藏故以四時之法成

君王眾庶

盡欲全形

好生惡死人情同也

形之疾病莫知其情留淫日深著

於骨髓心私慮之余欲鍼除其疾病為之奈何

病在皮毛淺而

未甚不早治之則留淫日深內著骨髓故可慮也

岐伯對曰夫鹽之味鹹者其

氣令器津泄

鹽味鹹水之化也其性浸淫透物久在器中則津液外泄而器無固者喻言人之腎

氣有損則二陰不守也

絃絕者其音嘶敗

凡琴瑟之絃將損絕者音必嘶敗喻言人之肺

氣有損則聲音不清也

木敷者其葉發

敷內潰也發飄墮也木敷於外

者凋殘之兆也喻言人之肝脾已損則色夭肉枯也○按太素云木陳者其葉落於義尤切

病深者

其聲噦

噦呃逆也按口問篇曰噦出於胃又曰肺主為噦夫胃為五藏之本肺為主氣之藏今以上文

三證而復加聲噦者肺虧胃竭病必危矣○噦於决切

人有此三者是謂壞府

府猶

宮府也人之傷殘日久則形體損敗如此故謂之壞府

毒藥無治短鍼無取此皆

絕皮傷肉血氣爭黑

中府既壞則毒藥不能治其內短鍼不能取其外病不可為而強施

鍼藥徒致絕皮傷肉以敗其形血氣爭黑以變其色此皆因循已久不為早治故無濟也官能篇曰上工之取氣乃救其萌芽下工守其已成因敗其形正此之謂帝曰余念其痛心為之亂惑

反甚其病不可更代百姓聞之以為殘賊為之奈何鍼藥

罔效適甚其病欲施他治無法可更故百姓聞之必反謂殘賊而害之也岐伯曰夫人生於

地懸命於天天地合氣命之曰人形以地成故生於地命唯天賦故懸於天

天陽也地陰也陰精陽氣合而成人故人位乎中而為三才之一人能應四時者天地

為之父母人能合於陰陽調於四時處天地之和以養生者天必育之壽之故為父母四氣調神論

曰夫四時陰陽者萬物之根本也所以聖人春夏養陽秋冬養陰以從其根故與萬物沉浮於生長之門此之

謂也設有逆天之道失時之和以妄為常者雖以天地為之父母亦焉得而庇之哉知萬物者謂

之天子

知周萬物則能參天地贊化育以壽國壽民是謂天之子也

天有陰陽人有

十二節

天有六陰六陽人亦有六陰六陽皆相應也

天有寒暑人有虛實

陽進

則物盛陰進則物衰此天地之虛實也陽固則神全陰強則鬼見此人之虛實也

能經天地陰

陽之化者不失四時知十二節之理者聖智不能欺也

如上文天地萬物四時十二節寒暑虛實等義只陰陽二字包羅盡之能經天地陰陽之化者聖智之道無遺

蘊矣又何有能欺之者

能存八動之變五勝更立能達虛實之數

者獨出獨入呿吟至微秋毫在目

存存於心也八動之變八風之動變也五

勝更立五行之衰王也獨出獨入獨得其妙用也。咭開口而欠也。凡此者皆天地陰陽之化知乎此則無所不知。故雖咭吟之聲至微秋毫之形至細無不在吾目中矣。此上之對蓋謂知之真見之切則病之淺深治之可否發無不中。又何有心之亂惑。百姓以為殘賊之慮哉。○咭音區。帝曰人生有形不離

陰陽天地合氣別為九野分為四時月有小大日有短

長萬物並至不可勝量虛實咭吟敢問其方

此詳求鍼治之方也

岐伯曰木得金而伐火得水而滅土得木而達金得火

而缺水得土而絕萬物盡然不可勝竭

天地陰陽之用五行盡之萬物

雖多不能外此五者知五行相制之道則鍼法可約而知矣

故鍼有懸布天下者五

黔首共餘食莫知之也

懸布天下言示人之廣也五義如下文黔首黎民也共皆也餘

食猶食之棄餘皆不相顧也○黔音鉗

一曰治神

醫必以神乃見無形病必以神血氣乃行故鍼

以治神為首務湯液醪醴論曰形弊血盡而功不立者神不使也正此之謂

二曰知養身

不知

養身置鍼於無用之地鍼家不可不知如終始篇云新刺勿內已刺勿醉已刺勿怒已刺勿勞已刺勿飽已刺勿饑已刺勿渴

三曰知毒藥為真

治病之道鍼藥各有所宜若真知非藥不

可而妄用鍼者必反害之如邪氣藏府病形篇曰諸小者陰陽形氣俱不足勿取以鍼而調以甘藥也根結篇曰形氣不足病氣不足此陰陽氣俱不足也不可刺

四曰

制砭石小大

古者以砭石為鍼用為外治之法自黃帝始造九鍼以代石故不曰九鍼而曰砭石

然制有大小必隨病所宜各適其用也

五曰知府藏血氣之診

不知府藏則陰陽表

裏不明不知血氣則經絡虛實不辨皆不足以言鍼

五法俱立各有所先

鍼治未施法應

預立五者之今末世之刺也虛者實之滿者泄之此皆用當知所先

衆工所共知也

言淺近易知也

若夫法天則地隨應而動和之

者若響隨之者若影道無鬼神獨來獨往

法天則地起乎凡矣隨應

而動通乎變矣故能如響應聲如影隨形得心應手取效若神所謂神者神在吾道無謂鬼神既無鬼神則其

來其往獨惟我耳

帝曰願聞其道岐伯曰凡刺之真必先治神

此以病者之神為言神者正氣也得神者昌失神者亡故刺之真要必先以正氣為主

五藏已定

九候已備後乃存鍼

再定五藏之屬悉九候之診得其虛實所在然後存意於鍼而用之

衆脉不見衆函弗聞外內相得無以形先

衆脉衆函言其多也泛求

其多則不得其要故見衆脉者不見脉之真聞衆函者弗聞函之本必因脉以合外因證以合內表裏相參庶乎無失是外內相得也不察其迹而察其所以迹是無以形先也所謂知其要者一言而終不知其要流散無窮其義可玩往來乃施於人

玩謂精熟猶玩弄也往言既往來言將來原始反終

惟窮理者能之必能若是乃可施治於人

人有虛實五虛勿近五實勿遠

五虛

五實如調經論云神氣血形志各有有餘不足凡此十者其氣不等也玉機真藏論曰脉盛皮熱腹脹前後不通悶瞢此謂五實脉細皮寒氣少泄利前後飲食不入此謂五虛也虛病不利於鍼故五虛勿近實邪最所當



用故五實勿遠蓋鍼

至其當發間不容瞋

發出鍼也瞋瞬同言鍼發

有期或遲或速在氣機

手動若務鍼耀而勻

動用鍼也務專其務

之頃不可以瞬息誤也

靜意視義觀適之變

適至也變虛實之變也觀

之以靜察

是謂冥冥莫知其形

言冥冥幽隱也莫知其形言血氣之變不形於外

惟明者能察有於無

見其烏烏見其稷稷從見其飛不

知其誰

此形容用鍼之象有如此者烏烏言氣至如鳥之集也稷稷言氣盛如稷之繁也從見其飛言

氣之或往或來如鳥之飛也然此皆無中

伏如橫弩起

如發機

血氣未應鍼則伏如橫弩欲其強銳也血氣既應鍼則退如發機欲其迅速也○前第七章帝

曰何如而虛何如而實一節原在此末今類附於彼當與此連閱

### 九鍼推論

靈樞官能篇〇十

黃帝問於岐伯曰余聞九鍼於夫子衆多矣不可勝數余推而論之以爲一紀余司誦之子聽其理非則語余請正其道令可久傳後世無患得其人乃傳非其人勿

言岐伯稽首再拜曰請聽聖王之道

一紀者景言也

黃帝曰用

鍼之理必知形氣之所在左右上下

義如脉色類三十二三

陰陽

表裏血氣多少

詳經絡類二十

行之逆順

陰氣從足上行至頭而下行循臂陽氣從

手上行至頭而下行至足故陽病者上行極而下陰病者下行極而上反者皆謂之逆 出入之合

謀伐有過

經氣自內而出自外而入俞有不同詳經絡類四十六二章知其出入則可因過而伐

之也。合字一本作會

知解結

詳本類後三十五

知補虛寫實上下氣門

補虛寫實義見前上下氣門即經絡類諸經標本氣街之義一曰手經為上足經為下氣脉必由之處是為門

戶亦通 明通於四海

人之四海詳經絡類三十二

審其所在寒熱淋露

以輸異處

淋於雨露於風邪感異處當審其經也淋露義又見運氣類三十五

審於調氣

明於經隧左右肢絡盡知其會

調氣者察其虛實往來而調和之也經隧支別

及各經脉會之義詳經絡類二

寒與熱爭能合而調之

合陰陽而虛與調其平也

實鄰知決而通之

鄰近也近則易疑疑則以似為是左水炭相反矣故當知決而通之

右不調把而行之

邪客大絡者左注右右注左把而行之即繆刺也詳後三十〇把字一本

作明於逆順乃知可治

順者可治逆者不可治如脉色疾病類之死證死期及本類之

刺禁刺害皆逆也

陰陽不奇故知起時

奇不遇也不奇則和矣故知起時〇奇音基

審於本末察其寒熱得邪所在萬刺不殆知官九鍼刺

道畢矣

本末標本也寒熱陰陽也所在三部九候之病脉處也官任也九鍼不同各有所宜能知以上

之法而任用之則刺道畢矣

明於五輸徐疾所在屈伸出入皆有條

理

此下復詳明鍼論也五輸并榮俞經合也徐疾鍼法也屈伸出入經脉往來也言陰與陽合

於五行五藏六府亦有所藏

陰陽之化是為五行藏府所藏亦惟此耳

四時

八風盡有陰陽

天道之陰陽五行也

各得其位合於明堂各處色

部五藏六府察其所痛左右上下知其寒溫何經所在

邪在於中色形於外察之面部疾可知也出五色篇詳脈色類三十二

審皮膚之寒溫滑

濡知其所苦

寒者多陰溫者多陽滑者多實濡者多虛

膈有上下知其氣所

在

膈之上膻中也為上氣海心肺所居膈之下脾肝腎所居丹田為下氣海也

先得其道稀

而疎之稍深以留故能徐入之

此下兼言鍼灸法也先得其經絡之道然後可

以用鍼稀而疎之貴精少也稍深以留欲徐入也

大熱在上推而下之

推而逐之抑其

也高從下上者引而去之

引而去之泄於下也

視前痛者常先取之

先取其本也

大寒在外留而補之入於中者從合寫之

大寒在外

補中氣可以拒之寒入於中寫合穴可以除之鍼所不為灸之所宜

凡不宜於鍼者當灸

以治之

上氣不足推而揚之下氣不足積而從之

推而揚之引致

其氣以補上也積而從之留鍼隨氣以實下也

陰陽皆虛火自當之厥而寒甚

骨廉陷下寒過於膝下陵三里

火自當之宜於灸也若厥而寒甚陽氣大虛當

灸下陵即陽明經三里穴也

陰絡所過得之留止寒入於中推而行

之寒留於絡而入於經當用鍼推散而行之經陷下者火則當之結絡堅緊

火所治之

寒氣凝聚或陷於經或結於絡皆當以火逐之

不知所苦兩躄之下

男陰女陽良工所禁鍼論畢矣

寒邪在肌肉血脉之間有不痛不仁不知所苦

者當灸兩躄之下即足太陽申脉足少陰照海二穴也然男子數陽女子數陰若男陰女陽則反用矣故為良工之所禁調經論亦曰病不用鍼之服必有法則上視知所痛兩躄為上與此法同

天光下司八正

此下言當知天忌也天光八正義俱見下章

以辟奇邪而觀

百姓

蕪人已而言也○辟避同

審於虛實無犯其邪

虛風實風皆能傷人故無犯其

邪是得天之露遇歲之虛救而不勝反受其殃

天之風雨不時

者皆謂之露歲露論曰故諸逢其風而遇其雨者命曰遇歲露焉歲之虛者乘年之衰逢月之空失時之和因

為賊風所傷是謂三  
虛詳運氣類三十六

故曰必知天忌乃言鍼意

天忌詳義見下

章法於往古驗於來今觀於窈冥通於無窮麤之所不

見良工之所貴莫知其形若神髣髴

此下皆言鍼法也凡下文無注者詳

義俱見下章

邪氣之中人也洒淅動形正邪之中人也微先

見於色不知於其身若有若無若亡若存有形無形莫

知其情

邪氣言虛邪也虛邪之中人也甚故洒淅動形正邪之中人也微故但先見於色而不知於身

此節與下章互有發明所當參閱○此數句與邪氣藏府病形論同詳疾病類三

是故上工之

取氣乃救其萌芽下工守其已成因敗其形是故工之



用鍼也知氣之所在而守其門戶明於調氣補寫所在

徐疾之意所取之處

因敗其形者不知其難而反傷之也所在即三部九候之義

寫

必用員切而轉之其氣乃行疾而徐出邪氣乃出伸而

迎之遙大其穴氣出乃疾

員流利也切直迫病所也迎奪也遙搖同用鍼員活而迎

奪之則氣出乃疾故可以寫

補必用方外引其皮令當其門左引其

樞右推其膚微旋而徐推之必端以正安以靜堅心無

解欲微以留氣下而疾出之推其皮蓋其外門真氣乃

存用鍼之要無忘其神

方即端正安靜之謂外引其皮令當其門察穴於肌表也左引

其樞右推其膚微旋而徐推之用鍼之樞要也必端以正安以靜堅心無懈候氣之誠確也欲微以留氣下而疾出之推其皮蓋其外門出鍼之防護也真氣得存故可以補用鍼之要無忘其神者總結前篇而言義詳下章○按補寫方員義與後章八正神明論之文似乎相反然詳求其意各有發明不可謂其誤而忽也

### 官能

靈樞官能篇連前章○十一

雷公問於黃帝曰鍼論曰得其人乃傳非其人勿言何

以知其可傳

鍼論即指前章也

黃帝曰各得其人任之其能故

能明其事

任之其能因才而器使也

雷公曰願聞官能奈何黃帝曰

明目者可使視色

俱視獨見明目者也

聰耳者可使聽音

俱聽獨聞聰耳

者捷疾辭語者可使傳論

如開導勸戒解疑辨也屬皆所謂傳論也

正語徐

而安靜手巧而心審諦者可使行鍼艾理血氣而調諸

逆順察陰陽而兼諸方

語徐者不苟安靜者不亂手巧者輕重疾徐有妙心審諦者精

思詳察無遺故可勝是任

○諦音帝 緩節柔筋而心和調者可使導引行

氣

導引者但欲運行血氣而不欲有所傷也故惟緩節柔筋而心和調者乃勝是任其義可知今見按摩之

流不知利害專用剛強手法極力困人開人關節走人元氣莫此為甚病者亦以謂法所當然即有不堪勉強

忍受多見強者致弱弱者不起非惟不能去病而適以增害用若輩者不可不為知慎

疾毒言語

輕人者可使唾癰呪病

人之惡口毒舌者亦由稟賦諸無所利而獨利於唾呪疾病

爪苦手毒為事善傷者可使按積抑痺

按積抑痺亦上文導引行氣之

屬然積堅痺固非爪苦手毒者不能破術若相類而用有輕重也

各得其能方乃可行

其名乃彰不得其人其功不成其師無名故曰得其人

乃言非其人勿傳此之謂也

氣交變大論曰得其人不教是謂失道傳非其人慢

泄天寶詳運氣類十

手毒者可使試按龜置龜於器下而按其上

五十日而死矣手甘者復生如故也

龜能運任脉其息以耳而導引伏氣

所以靈而多壽不易於死故可用此以驗人之手毒與否手甘者非以味言即不毒之謂

內外揣

靈樞外揣篇全

〇十二

黃帝曰余聞九鍼九篇余親授其調頗得其意

調法度也言頗

得其詳也

夫九鍼者始於一而終於九然未得其要道也夫

九鍼者小之則無內大之則無外深不可為下高不可

為蓋恍惚無窮流溢無極余知其合於天道人事四時

之變也然余願雜之毫毛渾束為一可乎

始於一終於九者盡天地

之大數也鍼數應之故小則無內大則無外深則無下高則無上其於天道人事四時之變無所不合故散之則雜如毫毛約之則渾束岐伯曰明乎哉問也非獨鍼

為一一者欲得其要也

道焉夫治國亦然黃帝曰余願聞鍼道非國事也岐伯

曰夫治國者夫惟道焉非道何可小大深淺雜合而為

一乎

至大至小至淺至深無不有道存焉故治國有道治鍼亦有道必知乎道乃可合萬變而為一矣

黃帝曰願卒聞之岐伯曰日與月焉水與鏡焉鼓與響

焉夫日月之明不失其影水鏡之察不失其形鼓響之

應不後其聲動搖則應和盡得其情

道本無形何從察之在明其理得其

情耳故如日月之於影水鏡之於形鼓之於聲有動則有應有應則可知惟其至明故能盡得其情黃帝

曰窘乎哉昭昭之明不可蔽其不可蔽不失陰陽也

道者

一也一生二陰陽而已不失陰陽則昭昭之明不可蔽矣

合而察之切而驗之見而

得之若清水明鏡之不失其形也

合而察之參合陰陽而詳察也切而驗之

從其切要而辨證也故可見可得如清水明鏡之無所失也

五音不彰五色不明

藏波蕩若是則內外相襲若鼓之應桴響之應聲影之

似形

五音五色見於外因藏氣而彰明也五藏之氣藏於內因形聲而發露也外之不彰不明者知內之

波蕩也即如鼓非桴也得桴而後鳴響非聲也得聲而後應影非形也得形而後見是皆內外相襲而然襲因也○桴

故遠者司外揣內近者司內揣外

揣推測也司主也遠者主

外近者主內察其遠能知其近察其內能知其外病變雖多莫能蔽吾之明矣○揣杵水切

是謂陰

陽之極天地之蓋請藏之靈蘭之室弗敢使泄也

遠近

無所不知以其明之至也陰陽之道盡於此矣天地雖大又安能出於是哉

### 八正神明寫方補員

素問八正神明論全○十三

黃帝問曰用鍼之服必有法則焉今何法何則

服事也法方法

則準則也

岐伯對曰法天則地合以天光

天有星辰人有俞穴地有道理人有

尺寸無不合乎天運天之明在日月是謂天光

帝曰願卒聞之岐伯曰凡刺之

法必候日月星辰四時八正之氣氣定乃刺之

候察也日月星

辰四時八正之氣義如下文及當考經絡二十五

是故天溫日明則人血淖液

而衛氣浮故血易寫氣易行天寒日陰則人血凝泣而



衛氣沉

淖濡潤也天溫日明陽盛陰衰也人之血氣亦應之故血淖液而易寫衛氣浮而易行天寒日

陰陽衰陰勝也故人血凝泣而衛氣沉凝則難寫沉則難行矣○淖乃豹切泣瀉同月始生則血

氣始精衛氣始行月郭滿則血氣實肌肉堅月郭空則

肌肉減經絡虛衛氣去形獨居是以因天時而調血氣

也

精正也流利也月屬陰水之精也故潮汐之消長應月人之形體屬陰血脉屬水故其虛實浮沉亦應於

月是以天寒無刺

營衛凝泣也

天溫無凝

血氣易行也

月生無寫

恐伐其生氣也

月滿無補

恐助其邪也

月郭空無治

陰氣不亢也

是謂得

時而調之

合乎天也

因天之序盛虛之時移光定位正立而

待之

日月之光移則歲時之位定南面正立待而察之則氣候可得也

故日月生而寫

是謂藏虛

虛其虛也○日當作曰

月滿而補血氣揚溢絡有留血

命曰重實

實其實其

月郭空而治是謂亂經陰陽相錯真邪

不別沉以留止外虛內亂淫邪乃起

月郭空時血氣方弱正不勝邪則邪

氣沉留不去於此用鍼故致陰陽錯亂真邪不辨而淫邪反起矣

○帝曰星辰入正何

候岐伯曰星辰者所以制日月之行也

此下皆言天忌也制節制也察

寒溫者在於日色察盛衰者在於月光察日月之盈虛往來則在於星辰之宮度故曰星辰者所以制日月之行也天以日月為陰陽人以營衛為陰陽故用八正者鍼者必察日月星辰之氣度以取營衛之虛實

所以候八風之虛邪以時至者也

八正者八方之正位也八方之氣以時而

至謂之八風從所居之鄉來者為實風從所衝之方來者為虛風實風主生長虛風主殺害察八正之位則邪之傷人虛實可知矣○八正八風三虛義詳

四時者所

以分春秋冬夏之氣所在以時調之也八正之虛邪而

避之勿犯也

四時之氣所在如春氣在經脈夏氣在孫絡長夏氣在肌肉秋氣在皮膚冬氣在骨

髓中又如正二月人氣在肝三四月人氣在脾五六月人氣在頭七八月人氣在肺九十月人氣在心十一二月人氣在腎此皆氣在人身也至於天氣所在則八正之風隨時而至者是也人身之氣宜調於內天地之氣宜調於外故聖人日避虛邪之道如

以身之虛而逢天

避矢石然蓋恐因外而傷其內也

之虛兩虛相感其氣至骨入則傷五藏

身之虛血氣虛也天之虛八正

之虛邪氣及三虛也以虛感虛故邪氣深入至骨而傷於五藏

工候救之弗能傷也故

曰天忌不可不知也

工能知而勿犯犯而能救故可弗傷凡太乙所居之鄉氣有邪正虛

實出乎天道所當避忌故曰天忌又九鍼論以身形九野時日之應亦曰天忌詳經絡類三十五并有圖在圖

翼四卷

○帝曰善其法星辰者余聞之矣願聞法往古者

岐伯曰法往古者先知鍼經也

此下諸義皆釋鍼經之文即前九鍼推論章也

法往古者取法於既往也此云鍼經為古法可見是書之傳其來最遠似猶有出軒岐之前者 驗於來

今者先知日之寒溫月之虛盛以候氣之浮沉而調之

於身觀其立有驗也

驗於來今察見在也觀日月之氣候而調之於身以古證今以今合

古知往知來其用安有不驗○五色篇亦曰積神於心以知往今見脉色類三十二觀其冥冥者

言形氣榮衛之不形於外而工獨知之以日之寒溫月

之虛盛四時氣之浮沉參伍相合而調之工常先見之

然而不形於外故曰觀於冥冥焉

形氣營衛不形於外故曰冥冥而工獨知

之者以知日月四時之變化則天地陰陽之道盡知參伍相合之妙用則人身調治之法盡若是者不求其神而神無不在故見於冥冥焉通於無窮者可以傳於後世也是故工

之所以異也然而不形見於外故俱不能見也視之無

形嘗之無味故謂冥冥若神髣髴

通於無窮者無方無體也故可傳於萬世

其所以異於人者以人俱不能見而我獨見之明察秋毫在於若無若有之際故謂冥冥若神髣髴○髣音微

弗髣音

虛邪者八正之虛邪氣也

義如上文

正邪者身形若用

力汗出腠理開逢虛風其中人也微故莫知其情莫見

其形

正邪即八方之正風也蓋正風之大者為實風微者即正風從其衝後來者為虛風刺節真邪篇曰

正氣者正風也從一方來非實風又非虛風也邪氣者虛風之賊傷人也賊風篇曰其有熱則汗出汗出則受風雖不遇賊風邪氣必有因加而發焉是皆正風之謂雖為正風亦能傷人故曰正邪亦曰虛風耳第其中人也微不若虛邪賊風之甚故上工救其萌芽必先見三

莫知其情形而人不之覺也

上工救其萌芽必先見三

部九候之氣盡調不敗而救之故曰上工下工救其已

成救其已敗救其已成者言不知三部九候之相失因

病而敗之也

救其萌芽治之早也救其已成治之遲也早者易功收萬全遲者難反因病以敗其

形在知與不知之間耳所以有上工下工之異○三部九候義詳後十五

知其所在者知診

三部九候之病脉處而治之故曰守其門戶焉莫知其

情而見其形也

知其所在者知病脉之處也三部九候即病脉由行出入之所故曰門戶情有

不可知而形有可見者在乎此得其形則情可察矣

帝曰余聞補寫未得其意岐

伯曰寫必用方方者以氣方盛也以月方滿也以日方

溫也以身方定也以息方吸而內鍼乃復候其方吸而

轉鍼乃復候其方呼而徐引鍼故曰寫必用方其氣易

行焉

方正也當其正盛正滿之謂也方吸內鍼氣之來也迎而奪之惡得無虛即此之謂故可以寫○按

官能篇曰寫必用員補必用方與此相反義見前第十補必用員員者行也行者

移也刺必中其榮復以吸排鍼也

員員活也行者行其氣移者導其滯凡正

氣不足則營衛不行血氣留滯故必用員以行之補之榮血脈也排除去也即候吸引鍼之謂○呼吸補寫詳

見下故員與方非鍼也

非鍼之形言鍼之用也

故養神者必知形

之肥瘦榮衛血氣之盛衰血氣者人之神不可不謹養



形者神之體神者形之用無神則形不可活無形則神無以生故形之肥瘦營衛血氣之盛衰皆人神之所賴也故欲養神者不可不謹養其形

帝曰妙乎哉論也合人形於陰陽四時虛實之應冥冥之期其非夫子孰能通之然夫子數

言形與神何謂形何謂神願卒聞之

形可見神不可見易曰形乃謂之器

利用出入民咸用之謂之神

岐伯曰請言形形乎形目冥冥

形乎形見乎外

也目冥冥見粗者不見其精也

問其所病索之於經慧然在前按之不

得不知其情故曰形

所病有因可問而知所在有經可索而察則似乎慧然在前矣然仍

按之不得者在見其形而不知其情耳形者迹也

帝曰何謂神岐伯曰請言神

神乎神耳不聞

神乎神二而一也耳不聞聽於無聲也

目明心開而志先

目著明心藏神心竇開則志慧出而神明見

慧然獨悟口弗能言俱視獨見

口弗能言妙不可以言傳也故與衆俱視惟吾獨見

適若昏昭然獨明

觀於冥冥適若昏也

無所見而見之昭然明也

若風吹雲故曰神

若風吹雲宇宙清而光明見也豁然了悟人則

在心至哉莫測故謂之神

三部九候為之原九鍼之論不必存也

以三

部九候為之本原則神悟可得矣九鍼之論特具其形迹耳既得其神奚藉於迹雖不存之亦無不可

經脉應天地呼吸分補寫

素問離合真邪論○十四

黃帝問曰余聞九鍼九篇夫子乃因而九之九九八十

一篇余盡通其意矣

鍼經之數共八十一篇也

經言氣之盛衰左右

傾移以上調下以左調右有餘不足補寫於榮輸余知

之矣此皆榮衛之傾移虛實之所生非邪氣從外入於

經也

榮衛傾移謂陰陽偏勝則虛實內生而為病非邪氣在經之謂也

余願聞邪氣之

在經也其病人何如取之奈何岐伯對曰夫聖人之起

度數必應於天地故天有宿度地有經水人有經脉

宿謂

二十八宿度謂三百六十五度經水謂清渭海湖汝澠淮潔江河濟漳以合人之三陰三陽十二經脉也天

地溫和則經水安靜天寒地凍則經水凝泣天暑地熱

則經水沸溢卒風暴起則經水波涌而隴起

人氣與天地相通故

溫和寒冷暑熱卒風暴至而經脉之應必隨時為變邪之中人亦然也詳如下文○泣瀋同隴隆同夫邪

之入於脉也寒則血凝泣暑則氣淖澤虛邪因而入客

亦如經水之得風也經之動脉其至也亦時隴起其行

於脉中循循然

邪氣之自外而入者或為凝泣或為淖澤皆由於寒熱之變其入客於經亦如

經水之得風即血脉之得氣也故致經脉亦時隴起蓋邪在脉中無非隨正氣往來以為之動靜耳循循隨順

貌○淖乃豹切

至其寸口中手也時大時小大則邪至小則平

其行無常處

邪氣隨脉必至寸口有邪則隴起而大無邪則平和而小隨其所在而為形見故行

無常在陰與陽不可為度

隨陽經則入陽分隨陰經則入陰分

從而察之

三部九候卒然逢之早遏其路

見邪所在則當遏之遏者制也早絕其路庶無

深大之害○三部九候詳脉色類五

○吸則內鍼無令氣忤

此下言呼吸補寫之法也

吸則內鍼寫其實也蓋吸則氣至而盛迎而奪之其靜氣可泄所謂刺實者刺其來也去其逆氣故令無忤

以久留無令邪布

前氣未除後氣將至故當靜留其鍼俟而寫之無令邪氣復布也

吸

則轉鍼以得氣為故

邪氣未泄候病者再吸乃轉其鍼轉握轉也謂之催氣得氣為故以

鍼下得氣之故為度也

候呼引鍼呼盡乃去大氣皆出故命曰寫

入氣曰吸出氣曰呼引引退也去出鍼也候呼引至其門則氣去不能復聚呼盡乃離其穴則大邪之氣隨泄

而散經氣以平故謂之寫。○調經論曰：寫實者，氣盛乃內鍼，鍼與氣俱內，以開其門，如利其戶，鍼與氣俱出，精氣不傷，邪氣乃下。外門不開，以出其疾，搖大其帝曰：不道如利其路，是謂大寫。必切而出，大氣乃屈。

足者補之，奈何岐伯曰：必先捫而循之。

先以手捫摸其處，欲令血氣溫

舒也切而散之。

次以指切捺其穴，欲其氣之行散也。

推而按之。

再以指揉按其

肌膚欲鍼道之流利也。

彈而怒之。

以指彈其穴，欲其意有所注，則氣必隨之。故脈絡膜滿如怒起

也。抓而下之。

用法如前，然後以左手爪甲掐其正穴，而右手方下鍼也。○抓爪同，又平去二聲。

通而取之。

下鍼之後，必候氣通，以取其疾如下文者。

外引其門，以閉其神。

門穴

門也，此得氣出呼盡內鍼，靜以久留，以氣至為故。

此詳言用

補之法也呼盡則氣出氣出內鍼追而濟之也故虛者可實所謂刺虛者刺其去也氣至義見後為故義如前

如待所貴不知日暮

靜以久留以候氣至如待貴人毋厭毋忽也

其氣以至

適而自護

以已同適調適也護愛護也實命全形論曰經氣已至慎守勿失即此謂也義如下文

候吸引鍼氣不得出各在其處推闔其門令神氣存大

氣留止故命曰補

候吸引鍼則氣充於內推闔其門則氣固於外神存氣留故謂之補○調

經論曰補虛者持鍼勿置以定其意候呼內鍼氣出鍼入鍼空四塞精無從去方實而疾出鍼氣入鍼出熱不得還閉塞其門邪氣布散精氣乃得存動氣候時近氣不失遠氣乃來是謂追之○愚接近代用鍼撮要凡足以發明本經開導後人等法有不可不知者如用鍼之道以氣為主知虛知實方可無誤虛則脉虛而為癢為

麻實則脉實而為腫為痛虛則補之氣至則實實則寫之氣去則虛故用補用寫必於呼吸之際隨氣下鍼則其要也○下鍼之法先以左手捫摸其處隨用大指爪重按切掐其穴右手置鍼於穴上凡用補者令病人效嗽一聲隨嗽下鍼氣出鍼入初刺入皮天之分也少停進鍼次至肉中人之分也又停進鍼至於筋骨之間地之分也然深淺隨宜各有所用鍼入之後將鍼搖動搖彈謂之催氣覺鍼下沉緊倒鍼朝病向內搓轉用法補之或鍼下氣熱是氣至足矣令病者吸氣一口退鍼至人之分候吸出鍼急以指按其穴此補法也凡用寫者令其吸氣隨吸入鍼鍼與氣俱內初至天分少停進鍼直至於地亦深淺隨宜而用却細細搖動進退搓捻其鍼如手顫之狀以催其氣約行五六次覺鍼下氣緊即倒鍼迎氣向外搓轉以用寫法停之良久退至人分隨嗽出鍼不閉其穴此為寫法故曰欲補先呼後吸欲寫先吸後呼即此法也○所謂轉鍼者搓轉其鍼如搓線



之狀慢慢轉之勿令太緊寫左則左轉寫右則右轉故曰撚鍼向外寫之方撚鍼向內補之訣也輕所謂候氣者必使患者精神已潮而後可入鍼鍼既入矣又必使患者精神寧定而後可行氣若氣不潮鍼則閒滑不知疼痛如掉豆腐未可刺也必候神氣既至鍼下緊澁便可依法施用入鍼後輕浮虛滑遲慢如門居靜室寂然無聞者乃氣之未到入鍼後沉重澁滯緊實如魚吞鈎或沉或浮而動者乃氣之已來虛則推內進搓以補其氣實則循捫彈怒以引其氣氣未至則以手循攝以爪切掐以鍼搖動進撚搓彈其氣必至氣既至必審寒熱而施治刺熱須其寒者必留鍼候其陰氣隆至也刺寒須其熱者必留鍼候其陽氣隆至也然後可以出鍼然氣至速者效亦速而病易痊氣至遲者效亦遲而病難愈生者澁而死者虛候氣不至必死無疑此因氣可知吉凶也○所謂出鍼者病勢既退鍼氣必鬆病未退者鍼氣固澁推之不動轉之不移此為邪氣吸拔其鍼真

氣未至不可出而出之其病即復必須再施補寫以待其氣直候微鬆方可出鍼且許搖而少停補者候吸徐出鍼而急按其穴寫者候呼疾出鍼而不閉其穴故曰下鍼貴遲太急傷血出鍼貴緩太急傷氣也○所謂迎隨者如手之三陰從藏走手手之三陽從手走頭足之三陽從頭走足足之三陰從足走腹逆其氣為迎為寫順其氣為隨為補也○所謂血氣多少者如陽明多血多氣刺之者出血氣太陽厥陰多血少氣刺之者出血惡氣少陽少陰太陽多氣少血刺之者出氣惡血也○所謂子母補寫者濟母益其不足奪子平其有餘如心病虛者補其肝木心病實者寫其脾土故曰虛則補其母實則寫其子然木經亦有補寫心虛者取少海之水所以伐其勝也心實者取少府之火所以泄其實也○又如貴賤之體有不同者賤者硬而貴者脆也男女之取法有異者男子之氣早在上而晚在下女子之氣早在下而晚在上午前為早屬陽午後為晚屬陰男女上

下其分在腰足不過膝手不過肘補寫之宜各有其時也○又如陰陽經穴取各有法者凡陽部陽經多在筋骨之側必取之骨傍陷下者為真如合谷三里陽陵泉之類是也凡陰部陰經必取於腠隙之間動脈應手者為真如箕門五里太衝之類是也○至於鍼製有九所以應陽九之數也鍼義有五所以合五行之用也古人以砭石後人代以九鍼其體則金也長短小大各隨所宜其勁直象木也川原壅塞可決於江河血氣凝滯可疏於經絡其流通象水也將欲行鍼先摸其穴含鍼於口然後刺之藉我之陽氣資彼之虛寒其氣溫象火也入鍼以按出鍼以捫按者鎮其氣道捫者閉其氣門其填補象土也諸如此類皆鍼家之要所不可不知者

候氣察三部九候

素問離合真邪論○十五

帝曰候氣奈何

此欲候其邪氣也非鍼下氣至之謂

岐伯曰夫邪去絡入

於經也舍於血脉之中

邪氣由淺而深故必自絡然後入經舍居也

其寒溫

未相得如涌波之起也時來時去故不常在

邪氣寒正氣溫故不

相得血氣本靜而邪擾之亦猶水本靜而風擾之故如涌波之起也邪氣之至善行數變或往或來故無常處

故曰方其來也必按而止之止而取之

方其來也邪氣尚微故可按其

處而止之取而寫之蚤遏其勢則大邪可散無深害矣

無逢其衝而寫之

不為蚤治其邪

必甚邪氣雖盛恐其氣未必實故宜詳審不可因逢其衝輒寫之也

真氣者經氣也經氣

太虛故曰其來不可逢此之謂也

真氣不實迎而寫之邪氣雖去真氣必太

虛矣故曰其來不可逢也○按小鍼解曰其來不可逢者氣盛不可補也彼言補此言寫文若相反各有深義

當兩察之故曰候邪不審大氣已過寫之則真氣脫脫則不

復邪氣復至而病益蓄

過往也不能審察虛實而寫其已去之邪反傷真氣邪必乘虛

復至而故曰其往不可追此之謂也

小鍼解曰其往不可追者氣虛不可

寫也不可挂以髮者待邪之至時而發鍼寫矣若先若後

者血氣已盡其病不可下

發鍼寫者施寫法也欲寫其邪在氣至之頃不可挂以髮

者言絲毫之不可失也若先若後者先之則邪未至後之則大氣已過徒有伐盡其血氣而病不可下下者降

服之謂故曰知其可取如發機不知其取如扣椎故曰知

機道者不可挂以髮不知機者扣之不發此之謂也

機弩

機也椎木椎也知而取之必隨撥而應如發機之易不知而攻之則頑鈍莫入如扣椎之難也○按上文諸義

俱見前第一章第七二章

帝曰補寫奈何

此承上文而問邪方去絡入於經也將先固正氣而

補之或先攻邪氣而寫之也

岐伯曰此攻邪也疾出以去盛血而復

其真氣

言既中於邪即當攻邪但治之宜早必使疾出其邪以去盛血則真氣自復此寫中亦有補也

此邪新客溶溶未有定處也推之則前引之則止逆而

刺之溫血也刺出其血其病立已

溶溶流動貌邪之新客於人者其淺在絡

未有定處故推之則可前引之則可止言取之甚易也凡取絡者必取其血刺出溫血邪必隨之而去矣故病可立已溫帝曰善然真邪以合波隴不起候之奈何真邪

以合邪正初相犯也波瀾不起病  
形未見也察此不真最易惑亂  
岐伯曰審捫循三部

九候之盛虛而調之

但審察三部九候之脉則盛虛可得而調治可施矣

察其左

右上下相失及相減者審其病藏以期之

相失者如七診之類失其

常體不相應也相減者形氣虛脫也察三部九候之左右上下則知其病之所在藏之所屬陰陽氣候皆可期矣○三部九候相失相減等  
不知三部者陰陽不別天

地不分

陰陽不別則不知藏府逆順天地不分則不知升降浮沉

地以候地天以候

天人以候人調之中府以定三部

知三部者可以候上中下之病中府藏氣

也凡三部九候脉證皆以藏氣為主氣順則吉氣逆則凶故調之中府可以定三部  
故曰刺不知

三部九候病脉之處雖有大過且至工不能禁也

大過大邪

之過也誅罰無過命曰大惑反亂大經真不可復用實為

虛以邪為真用鍼無義反為氣賊奪人正氣以從為逆

榮衛散亂真氣已失邪獨內著絕人長命予人天殃不

知三部九候故不能久長

不知邪正虛實而妄施攻擊是謂誅伐無過奪人真元殺

人於冥冥之中莫此為甚欲遺陰德於子孫者當以此為切戒

因不知合之四時五行

因加相勝釋邪攻正絕人長命

不知合之四時五行因加相勝失天和也釋邪

攻正不當伐而伐也故絕人長命

邪之新客來也未有定處推之則前



引之則止逢而寫之其病立已

此重言之者深示人以治病宜早也

候氣十六

刺之而氣不至無問其數

靈樞九鍼十二原篇○無問其數者必以氣至為度也即

如待貴人不  
知日暮之謂

刺之而氣至乃去之勿復鍼

氣至勿復鍼  
恐其真氣脫

也○候氣詳義  
有按在前十四

鍼各有所宜各不同形各任其所為

皮肉

筋骨病各有處用  
鍼各有所宜也

刺之要氣至而有效効之信若風之

吹雲明乎若見蒼天刺之道畢矣

刺以氣為要以效為  
信得其要則效故如

風之吹雲邪氣去則正氣  
見故明乎若見蒼天也

○觀其色察其目知其散復

一其形聽其動靜知其邪正

詳義具見下文

右主推之左持而

御之氣至而去之

右主推之所以入鍼也左持而御之所以護持也邪氣去而穀氣至然後

可以出鍼

○小鍼解曰觀其色察其目知其散復一其形聽

其動靜者言上工知相五色於目有知調尺寸小大緩

急滑濇以言所病也

察形色於外可以知其散復察脉於內可以知其動靜

知其

邪正者知論虛邪與正邪之風也右主推之左持而御

之者言持鍼而出入也氣至而去之者言補寫氣調而

去之也

補不足寫有餘必得其平是氣調也方可去鍼

調氣在於終始一者持

心也

終始本經篇名見下文一者持心也釋前文一其形聽其動靜知其邪正者皆主持於心也

節

之交三百六十五會者絡脉之滲灌諸節者也

此一句詳經絡

類十 所以察其目者五藏使五色循明循明則聲章聲

章者則言聲與平生異也

五藏六府之精氣皆上注於目而為之精故能使五色循

明蓋色明於外者由氣盛於內故其聲音亦必章大與平生異矣

○四時氣篇曰觀其

色察其目以知其散復者視其目色以知病之存亡也

神完則氣復神失則氣散故察其目色即可知病之存亡也

一其形聽其動靜者持

氣口人迎以視其脉堅且盛且滑者病日進脉軟者病

將下

脉堅而且盛且滑者邪氣之熾也故病日進諸經脉軟而和者元氣之來也故病將下下退也

實者病三日已

凡邪氣未解者最忌脉弱無力如平人氣象論曰病在中脉虛玉機真藏論曰

病在外脉不實聖者皆難治邪客篇曰虛而細者久以持皆不實之謂也若病在諸經而脉實有力者邪將外

達也故可三日而已矣

氣口候陰人迎候陽也

氣口在手太陰肺脉也氣口獨為五

藏主故以候陰人迎在頭陽明胃脉也胃為六府之大源故以候陽人迎氣口詳義見藏象類十一

○凡刺之道氣調而止

靈樞終始篇

補陰寫陽音氣益彰耳

目聰明反此者血氣不行

此陰陽以表裏言凡正氣在中所當補也故曰補陰邪自

外入所當寫也故曰寫陽陽邪去而真陰復故音氣益彰耳目聰明也

所謂氣至而有効

者寫則益虛虛者脉大如其故而不堅也堅如其故者

適雖言故病未去也

凡氣至之効寫者欲其虛也既寫之後雖其脉大如舊但得和與不

堅即其効也若脉堅如舊者雖欲文飾其故而病實未除也

補則益實實者脉大如

其故而益堅也夫如其故而不堅者適雖言快病未去

也

補者欲其實實則脉必堅既補之後而脉之大小不堅如舊者不可言快病未除也二節云大者乃緊指

脉體進退而言

故補則實寫則虛痛雖不隨鍼病必衰

去

補則實者其脉必堅寫則虛者其脉必不堅若或有痛雖未隨鍼即愈亦必以漸而去矣

必先通

十二經脉之所生病而後可得傳於終始矣

十二經脉各有左右

上下其受病之處亦有先後必治其病所從生而後可得終始之義終始本篇名即本末之謂故陰陽

不相移虛實不相傾取之其經

移移易也傾相傷也或陰或陽無所改易不相

移也虛者自虛實者自實不相傾也此則無所從生而各病其病但求其經而取之凡刺之屬三

刺至穀氣邪辟妄合陰陽易居逆順相反沉浮異處四

時不得稽留淫泆湏鍼而去

三刺義如下文邪辟妄合等六句詳言病變也凡此

者皆須用鍼治以三刺之法則諸病可去也

故一刺則陽邪出

初刺之在於淺近故可出

陽分再刺則陰邪出

再刺之在於深遠故可出陰分之邪

三刺則穀氣至

穀氣至而止所謂穀氣至者已補而實已寫而虛故以

知穀氣至也

三刺之在候穀氣穀氣者元氣也止出鍼也蓋邪氣來也緊而疾穀氣來也徐而和

必邪氣去而後穀氣至故已補而實則虛者堅已寫而虛則堅者更是以知穀氣之至也邪氣獨去

者陰與陽未能調而病知愈也故曰補則實寫則虛痛

雖不隨鍼病必衰去矣

穀氣至者知邪氣之去也雖陰陽經氣未見即調而病則已愈

故上文曰補則實寫則虛也

類經卷十九